

禮
記
章
句

禮記卷五之一

任啓運章句

冠義

孔本第四十三篇本第一朱子儀禮第二兵禮儀禮傳第一今定為第十三○世本黃帝造冠

冕孔云黃帝前用羽皮後用布帛其冠之年大夫士皆二十天子諸侯皆十二程子曰年十二未可責以成人徒行此節文何益雖天子諸侯皆宜二十朱子曰十五至二十皆可冠必父母無期以上喪始可行之正濟曰大功未葬亦不可行愚按夏小正言二月冠子娶婦而儀禮有夏葛屨冬皮屨之文則或因喪未除或有他故是年與月皆不必拘也士冠禮見儀禮首篇此其傳也與家語冠頌篇多同蓋亦古有是說而漢儒掇之耳

凡人之所以為人者禮義也禮義之始在於正容體齊顏色順辭令容體正顏色齊辭令順而後禮義備以正君臣

親父子和長幼君臣正父子親長幼和而後禮義立故冠

而後服備服備而後容體正顏色齊辭令順故曰冠者禮

之始也是故聖王重冠長上聲聖王上一有古者字。仁義禮智皆人之所以為人獨言禮

義者義以方外禮有節文可循也正無怠與肆齊無戲與躁順則當于理適于時也正容體齊顏色順辭令言其修

故曰始容體正顏色齊辭令順言其成故曰備人能為人子為人弟為人少為人臣而後可以為人父為人兄為人

君為人長容體三者一有不備則不足以事父兄君長而他日又何以為父兄君長以治人乎冠而後可責以成人

禮故曰禮古者冠禮筮曰筮賓所以敬冠事故冠事所以

之始也冠之凡先筮日子禱廟之門得重禮重禮所以為國本也吉遂戒賓先三日又筮賓以尤

吉者為正賓遂肅之敬其事如此者以冠為禮之始重禮不得重冠也禮備則可以自治可以事人而所以治人

者不外是矣故曰以為國本。○書儀先三日戒賓一日戒宿賓。楊慎曰今不筮即擇一賓而有禮者以為賓亦可。適子冠於阼以著代也。醮於客位加有成也。三加彌尊喻其志也。已冠而字之敬其名也。成人之道也。

適音的本篇原文闕畧適

子二字喻其志句敬其名句但參郊特牲家語文畧同。○冠之日主迎賓賓入立西序端東向主人立東序端西向相者進于東序少北冠者即筮而冠是于阼也。著代著其將代父為主也。酌無酬酢曰醮每一加畢賓揖冠者就房易服出相者筮于室戶之西南而賓揖冠者就筮北面。之冠者筮西南而拜受賓西序東面答拜是於客位也。加有成以其成人加禮之也。初加緇布冠乎端爵饌乃暮夕于君之服再加皮弁素積素饌則朝朔之服三加爵弁纁裳緇韠則祭于君之服是為彌尊喻其志如初加祝曰棗爾幼志順爾成德再加曰敬爾威儀淑慎爾德三加曰以成厥德凡以充廣其志也。醮畢賓主降階冠者西階下少東南面立賓乃字之曰伯仲某甫敬之不復呼其名凡

此皆以成人之道待之也。非適子則冠于房外。三加止一。
 燕。○孔曰：士冠于廟，天子諸侯冠于始祖之廟。家語：孔
 子曰：公四加，私冕。王肅註：天子五加，衮冕。大戴禮：天子諸
 侯皆四加，鄭謂天子諸侯皆三加。朱子謂：諸侯三加，用平
 冕。天子三加，用衮冕。愚按：東漢志云：乘輿初加緇衣，進賢
 大爵弁，次武弁，次通天冠，則大戴云四加是也。賈公彥曰：
 堂上行事，非一所。近戶則言戶東，戶西。近房則言房外之
 東，房外之西。近楹則言東楹，西楹。近序則言東序，西序。近
 階則言東階，西階。自半以南無所屬。方言：堂，邢昺曰：室前
 堂。上東西楹曰序。崔靈恩曰：正室左右為房。鄭曰：堂夾室
 北。大夫士無西房。見於母，母拜之。見於兄弟，兄弟拜之。成人而與
 為禮也。平冠，平端，奠摯於君，遂以羣。見於卿大夫鄉先生。

成人見也。

見音現。○母在閨門外，兄弟位阼階下。冠者

受燕畢，取脯降白。西階適東，坐北而見于母。
 平冠者答拜，亦以適為一宗。尊之也。拜父與賓。

在見母前。人見姊妹。在見兄弟後。見親屬後。乃易冠。平端以見君。以適子。可嗣職。優之也。非嫡則母不拜。亦不奠。祭于君。卿大夫周禮。每鄉。鄉一人。鄉先生則致仕之。老或齒。德俱尊者。其祭皆以雉。鄉大夫先生誨之。冠者拜受教。○按儀禮。冠于廟。子以脯醢奠廟。訖。遂持所奠脯醢見于母。母拜受。孔謂拜其自尊處來。非拜子也。按之此文。語意似不謂然。唐開元禮。母起立不拜。司馬公謂母拜于今。難行。當如唐禮。愚謂適承宗嗣。且從子之道。于是始子拜母。母答拜宜也。非適則起立可矣。成人之者。將責成人禮焉也。責成人禮焉。

者。將責爲人子爲人弟爲人臣爲人少者之禮行焉。將責四者之行於人。其禮可不重與。故孝弟忠順之行立而後。可以爲人。可以爲人而後。可以治人也。故聖王重禮。故曰冠者禮之始也。嘉事之重者也是故古者重冠。重冠故行。

之於廟行之於廟者所以尊重事尊重事而不敢擅重事

不敢擅重事所以自卑而尊先祖也。少去聲之謂以成人

禮待之也父母兄弟君卿師長皆以成人禮待之是將責

以孝弟忠順也責之重故筮日筮賓而行之廟以重其禮

孝弟忠順則禮義立成已而治人則足為國基嘉禮有六

一飲食二昏冠三賓射四饗五脰膳六賀慶冠者禮之始

故為嘉事之重古人重事皆行於廟若親聽命然○夫禮

司馬公曰今人少家廟冠于外廳笄于中堂亦可

始於冠木於作車於喪祭尊於朝聘和於射鄉此禮之大

體也。昏義○成人而後禮行故曰始有夫婦而後有父子

君臣故曰木也慎終祭以追遠禮莫隆焉故曰重

朝聘明君臣之義故曰尊射鄉合賓主之禮故曰和因言

冠為禮之始故曰樂諸禮陳之其下諸篇乃各言其義也

右傳一章冠義原篇○明冠禮之義而極言其重也

止容禮三者敬身之事正君臣三者勸倫

之事而皆于冠始之可謂重矣能敬其身然後施之
君父兄長皆盡其禮故以正容體三者為先然實行
不修而特儀以承亦末
也故以孝弟四者為重

始冠之緇布之冠也太古冠布齊則緇之其緜也孔子曰

吾未之聞也冠而敝之可也之冠冠布如字齊齊同○始

服夏始以白為喪冠而齋則緇之喪從其本齊以陰幽思

也古人以組四圍髮際結于頂上謂之頰頰之四隅為四

級上繫于武以固冠頰之兩所為兩緜以緜貫之而繫于

頰下以固頰周人弁冕用弁橫貫于冠以組繫左笄邊頰

而上繫右笄因垂其餘以為飾謂之緜即始加之緜布

可亦用笄而不用頰戾于古矣故子以為未聞周委貌亦

緇布冠而以為飾之者始加用母追也委貌周道也章甫

存古其後常服委貌不復用此母追也

殷道也母追夏后氏之道也母音牟追音堆○此緜布冠

用之始加者委安也取容貌

禮記冠義 卷五十一

安定之義甫丈夫也取章明丈夫之義母追與牟製通蓋
土伍之名其形制如之也人所共由曰道天子制作之主
故周天子始加用委貌殷天子始加用章甫杞宋修其禮
物則祀自用毋追宋自用章甫其餘乃皆用毋追為始加
也三王共皮弁素積此用之再加者皮弁以白鹿皮為弁
素積素裳而要有裳積其布亦十五
升白布為之三王共之貴其質也周弁殷髀夏收此爵弁用之三加者鄭
云弁取于祭光大之義
尋取于幘覆設之義收止取斂髮之意耳齊
祭用之孔云三命以上齋祭異冠其下同之

右傳二章郊特牲文○詳
三加冠制之別

無大夫冠禮而有其昏禮古者五十而後加爵何大夫冠
禮之有諸侯之有冠禮夏之末造也天子之元子士也天
下無生而貴者也繼世以立諸侯象賢也以官爵人德之

殺也。死而諡，今也。古者生無爵，死無諡。

周初士有才德，即試大夫，但猶服士

服行士禮，必五十乃命為大夫。故無大夫冠禮，而有大夫昏禮者，昏禮攝盛，士所用，即大夫昏禮也。且非特無大夫

冠禮也。古諸侯亦無之。諸侯嗣位，亦服士服。行士禮五十

乃命為諸侯。夏未變古，乃設諸侯冠禮，而殷周因之也。并

非特諸侯也。即天子之元子亦士耳。天下豈有生而貴者

哉。人諸侯受命，必其德足象賢，乃命之。大夫受命，亦視其

德之隆殺而差次之。若未滿五十而死，則生無爵，死亦無

諡。後世創之太早，故未五十亦得諡焉。○按成王年十

三而冠，魯襄公即位年十二而冠，則有天子諸侯冠禮。若

大戴所云，公冠因加饗賓三獻，及自為主，降自阼，左傳

所云，祫享之禮，行之金石之樂，節之是也。王太子王子冠

天子為主，其禮視諸侯。諸侯未冠，即位年可以冠，則冠而

朝于王，未可以冠，則朝于王，而即王所賜冕服，以為冠。鄭

云，大夫有德行，年未二十亦得命為大夫，則因賜而冠。有

冠無冠，禮非諸侯，而以適自為主，亦降自西階，其節文之詳，蓋有異焉，而不可考矣。

右傳三章

郊特牲文。因上冠禮而推言之家語和隱公即位將冠使大夫因孟懿子問禮而

孔子答之其文特詳儀禮後記及郊特牲皆採之而前後詳畧互異學者參考而從其長者可也

禮之所尊尊其義也失其義陳其數祝史之事也故其數

可陳也其義難知也知其義而敬守之天子之所以治天

下也

祝史專掌禮文成王冠周公命祝雍頌是冠亦有祝史也禮必有義皆不可不知此冠昏鄉射朝聘喪祭

諸義所為作也冠為禮之始故于此明之○朱子曰此蓋秦火以前典籍具備時語因為至論然非得其數則義亦

不可得而知况今亡逸之餘數之存者不能什一則尤不可以為祝史之事而忽之也

右傳四章

郊特牲文。因明冠義而推言之見行禮必知其義也

禮記卷五之一

終

禮記卷五之二

任啓運章句

昏義

孔本第四十四兩本第二朱子儀禮第四與禮儀禮傳第二今定為第十四。伏義始制嫁娶

以儻皮為禮周禮媒氏凡男女自成名以上皆書年月日名合男三十而娶女二十而嫁大戴禮太古男五十而室女三十而嫁大節也中右男三十而娶女二十而嫁中節也左傳國君十五生子早娶重繼嗣也宋令十三以上並聽昏嫁愚按漢王吉言世俗嫁娶太早未知為人父母之道而有子是以教化不明而民多天是宋令未可用也家語孔子云男子二十冠有為人父之道女子十五笄有適人之道三十娶二十嫁言其極也議一嘗以是為準保傅傳娶妻嫁女必擇世世孝悌有行誼者君子慎始也司馬書儀云男女長乃議昏庶無不肖惡疾家貧遠宦棄約致訟之咎朱子曰主昏者必無期以上喪始可行之孔子云霜降逆女冰泮殺止周禮仲春會合男女此昏之大期謂之昏

禮記昏義

卷五之二

一

者納采請期皆用旦親迎則以昏取陽往陰來之義也士昏禮見儀禮次篇此亦漢儒之傳

昏禮者將合二姓之好上以事宗廟而下以繼後世也故

君子重之是以昏禮納采問名納吉納徵請期皆主人筵

几於廟而拜迎於門外人揖讓而升聽命於廟所以敬慎

重正昏禮也周禮同姓百世昏姻不通故曰合二姓之好

采始相采擇而致其禮也問名問女為何氏所出將加諸

筵也納吉既卜吉而告之也徵證也成也成姻好而以

簡為證也請期卜昏日而請之女氏也孔氏曰納采問名

一使兼行納吉納徵請期一使專行四禮皆用雁惟納徵

有帛無雁男氏重之故求必備禮而女氏亦于廟受不敢

輕也敬心之肅慎事之周敬之慎之皆所以重之而正其

始也○按白虎通義娶妻不先告廟示不必安也遺女子

廟重先人之遺服體也朱子曰鄭忽先配後祖陳鍼子說

之楚園亦言告莊共之廟而來是娶妻亦先告父親醮子廟矣豈左氏所括者當時俗禮非先王正法與

而命之迎男先乎女也子承命以迎主人筵几於廟而拜迎於門外壻執雁入揖讓升堂再拜奠雁蓋親受之於父母也降出御婦車而壻授綬御輪三周先俟於門外婦至

壻揖婦以入共牢而食合卺而醮所以合體同尊卑以親之也迎去聲先乎之先去聲○將親迎先筵于寢父升自東階就席西向子升自西階席西南面再拜父獻之

子升席受降席再拜詣父席前跪聽訓戒父命之以往迎爾相承我宗事勛帥以敬云云也一獻無酬酢曰醮先倡率之也女氏筵于廟戶西上右几女房中南面父醮之

母薦脯醯女奠爵薦東壻至父卒端迎于門外西面再拜壻東面答拜父揖壻入壻執雁從三揖至階三讓升堂奠雁左階北面再拜父西面不答拜母引女出房母在房外

禮記昏義 卷五之二 五

之西南而女立于毋左父西面戒之女西行毋南面戒之
婿出女從降自西階是親受之也既出姆奉女登車婿授
綏姆辭婿執轡轂三轉御者代之婿乘其車先歸婦至大
門寢門婿皆揖入升自西階婦從媵布席于輿贊者具告
揖婦對筵坐三飯三醯牢若天子太牢諸侯少牢大夫特
豕士特豚其牢以明其同尊卑也醯以飽為之各執一片以
醯合也明其合體是皆所以親之也○醯子于寢未知
能事宗廟否也醴女于廟以先人遺體與人故重之也婿
挈以雁昏禮下達從大夫也婿奠雁再拜主人不答拜授
女非拜主人也夏后氏迎于庭殷人迎于堂周人迎于戶
毋引女出房媵親也女去不辭戒不諾恥之重去也婿出
主人不送女從夫禮不參也女拜父于堂父不下堂拜諸
毋于門毋不出祭門諸毋兄弟不出闈門節也授綏親之
也三周陽奇陰偶之數也婿先歸幸之也升自西階不敢
代父也婦亦自西階從夫也于道也婦道也婦入門不見
舅姑何猶未成婦也禮三月祭行然後成婦毛奇齡謂昏
禮先主人多端迎于門外者女之父後主人揖婦以入者
婿之父婦初至賓之也厥明婦見舅姑乃成婦此斷非也

男女之別，禮之大節也。女之父可以婿為賓，子之父不可以婦為賓也。且下言婦主人，主人拜受，主人說服于舅，受主人入親說婦，纓皆婿也。獨此一主人為婿父子，敬慎重正而后親之禮之大體也。

所以成男女之別而立夫婦之義也。男女有別而后夫婦

有義，夫婦有義而后父子有親，父子有親而后君臣有正。

故曰：昏禮者禮之本也。所以上一本有而字非。敬慎重

正以成男女之別，親之以立夫婦之義，而非別亦無以為義也。父子之親，君臣之義，皆由干此，可不敬重乎。上篇言禮本于昏，故曰禮之本也。風

興婦沐浴以俟，見質明贊見婦於舅姑，婦執笄，棗栗獻脩。

以見贊醴婦，婦祭脯醢祭醴成婦禮也。舅姑入室，婦以特

豚饋明婦順也。

見音現，下並同。笄音煩，服音斷。醴婦之醴，當作禮。質正也。贊相禮之人，笄如信也。

被以緇內裏以纁服脩脯屬始成曰脯修治曰備棗而施
 蓋桂曰服舅席于阼西向姑席房外南向婦執筭棗果自
 門入升自西階拜奠于舅席舅坐撫之興答拜婦還又拜
 降幣受并服脩升北面拜奠于姑席姑坐舉之答拜以棗
 栗者取早自謹飭以服脩者取斷斷修治之義也贊禮婦
 席于室戶西牖東南面贊酌醴席前北面婦席西東面拜
 受贊西階北面拜送婦又拜薦脯醴婦升席左執解右祭
 脯醴祭醴三降席東而坐啐醴興拜贊答拜婦又拜奠于
 薦東北面坐取脯降出皆所以成其為婦之禮也舅姑入
 室並席于奧東面南上婦魚饋特豚左胖載之舅俎右胖
 載之姑俎舅姑食畢婦徹席北墻下餞舅俎舅辭餞姑俎
 所以明婦孝養之順也○孔氏曰大夫以上不止特豚

厥明舅姑共饗婦以一獻之禮奠酬舅姑先降自西階婦
 降自阼階以著代也孔氏曰士昏禮饗婦與盥饋同日此

異日蓋大夫以上禮也一獻之禮舅
 酌酒于阼階上獻婦婦西階上拜受卽席祭薦祭酒畢西

階上北面卒爵更爵酢舅舅阼階上受酢飲畢姑酬婦婦

受爵不舉更爵自飲畢酌酒酬姑姑受奠于薦左不舉
始降自西階始降自阼階以明將代姑為內主也此皆以
為婦言之婦見盥饋饗皆于舅姑之適寢饗婦之席與
婦見時同舅獻婦姑薦脯醢婦酢舅自薦脯醢○書儀婦
饋特豚貧者不斂但具饌亦可按儀禮庶婦有見無饋供
表說于適也使人禮之以酒卑于適也朱子饗婦禮舅席
阼階西向姑席西階東向婦席西北南向侍者酌于姑側
婦詣舅姑問四拜受酒啐酒又四拜舅姑降自阼階婦降
自西階也謂適姑當如儀禮庶婦則如家禮可也又按饗
主于敬故儀禮奠酬即降而歸粗于婦氏家禮進饌畢乃
降尊亦禮後成婦禮明婦順又申之以著代所以重責婦
宜之意與

順焉也婦順者順於舅姑和於室人而後當於夫以成絲
麻布帛之事以審守委積蓋藏是故婦順備而後內和理
內和理而後家可長久也故聖王重之

當去聲積音漬○
室人胡女姑女也

娣姊之類方慈曰上下相從謂之順可否相濟謂之和舅
 姑至尊可順不可逆室人均敵能和不必同愚謂順舅姑
 和室人婦德也成絲麻布帛守委積蓋藏婦功也和順
 則婉言愉色皆在其中矣此婦順之德所以為尤重也
 以古者婦人先嫁三月祖廟未毀教於公宮祖廟既毀教

於宗室教以婦德婦言婦容婦功教成祭之牲用魚芼之

以蘋藻所以成婦順也 此以諸侯宗女明成婦順之意惟責之重故教之備也公宮君之廟

宗室大夫之廟君以同母弟為庶公子之宗其子孫世
 宗之謂之宗室若無大宗則其高祖以下之小宗也與君
 在五服之內者親使女師教之公宮在五服之外者疎但
 教之宗室德宜順而正言宜慎而婉貌宜潔而莊功宜勤
 而巧十年不出姆已教之而此君又命女師教者教成于
 尊重其禮也魚藻皆陰物于婦人之禮為宜不用芼者告
 成事于所出之祖非以為正祭也芼羹也其菜則以黍若
 庶姓大夫士之家與宗子同高祖者則告于高祖與宗子

同會祀者則告于會祀。祖有廟則於廟告之。祖無廟則立壇或墀以告之。

右傳一章 昏義原篇。明昏禮之義而極言其重也。首節末昏之禮。次三節成昏之禮。次三節

既昏之禮。末則推言豫故之禮。夫婦之禮。貴乎別。別也者。男子之所以正其家也。婦人之道。貴乎順。順也

者。女子之所以宜其家也。

天地合而後萬物興焉。夫昏禮萬世之始也。取於異姓所

以附遠厚別也。取遠並去聲。既道成男。坤道成女。天地

然氣一者物不生。天地之合亦以陰陽二氣之別。故取于異姓所為。此遠嫌之義。以重其有別之禮。乃所以為合也。

納幣一束。束五兩。兩五錢。記幣必誠。辭無不腆。告之以直

信。信事人也。信婦德也。登與之齊。終身不改。故夫死不嫁。

兩去聲齊一作釅。八尺曰布。以兩幣相疊自兩端卷之。以至于中謂之兩幣長二丈一兩四丈束則二十丈也。必誠不為短惡也。凡交際贈遺必謙言不腆納微之辭。獨無之蓋告之以直。即告之以信也。吳澄曰無不厚之辭亦通。齊謂同牢合卺一齊而終身不改。可謂能信矣。按納幣士庶皆緇大夫以上皆采三纁。二天地陰陽。卿大夫加儷皮。諸侯又加大璋。天子又加穀圭。邱葵曰富不敢過貧亦可及。五兩禮之中制也。朱董祥曰今俗乃有越禮以破家者。或之。男子親迎。男先乎女。剛柔之義也。天先乎地。君先乎臣。其義一也。執摯以相見。敬章別也。男女有別。然後父

子親。父子親。然後義生。義生。然後禮作。禮作。然後萬物安。

無別無義。禽獸之道也。馬晞孟曰男先乎女者剛先于柔之義。天資始而地代終。君主倡而

臣主和其義一也。陳絳曰章明也行敬以明其別也。高愈曰男女有別則無瀆亂之嫌。故父子親親則愛敬之情自

有條理故義生山所宜行而節文之故禮作禮作則尊卑
上下遠近親疎各有定分而各止其所推之家國天下萬
物各得其安矣朱子曰漢武帝溺于聲色遊燕後宮父子
不親遂致戾太子之變此亦夫婦無別而父子不親之証
也

婿親御投綏親之也親之也者親之也敬而親之先王
之所以得天下也出乎大門而先男帥女女從男夫婦之
義山此始也夫也者夫也夫也者以知帥人者也婦人從
人者也幼從父兄嫁從夫夫死從子

帥率通○上親之謂
敬其事而躬親之下

親之謂親愛之也敬而親之則愛而不瀆嚴而不疎仁至
義盡而所以得天下之道不外是矣先謂御輪而先歸也
丈夫帥人婦人從人其道異也此又因上男先乎女而言
○或曰從父從夫是矣以母從子不嫌于以尊從卑乎曰
婦人無外事雖欲不從不得也此義不明
遂有載馳如文姜專制如呂雉武曌者矣

陰陽也將以為社稷主為先祖後而可以不致敬乎。祭服

鄭興曰陰陽夫婦也賈逵曰言平冕而齊戒者以鬼神之道待夫婦也愚按社稷先祖之鬼神皆于是愚焉而最不

敬如鬼神乎。共牢而食同尊卑也故婦人無爵從夫之爵坐以

夫之齒器用陶匏尚禮然也三王作牢用陶匏尚禮然謂

之禮如此同牢之禮雖作古來所尚厥明婦盥饋舅姑卒食婦餞餘

自三王而陶匏則猶古也私之也舅姑降自西階婦降自阼階授之室也昏禮不用

樂幽陰之義也樂陽氣也昏禮不賀人之序也上俱郊特

變也投之室謂付以家事思為社稷宗廟主則交于鬼神

故曰幽陰其事嚴也思子將代父婦將代姑故不賀其志

戚也。程子曰昏禮立是幽陰但重此大禮嚴肅不用樂

耳三日而宴樂禮畢也晏不以夜禮也叩溝曰以理言則

幽陰之義不可用樂以情言則代親之感不忍用樂昔集
諸昏會川樂尚有一薛方士非之今則舉世安之矣異哉

孔子曰嫁女之家三夜不息燭思相離也取婦之家三日

不舉樂思嗣親也三月而廟見稱來婦也擇日而祭於禰

成婦之義也曾子問。思相離則不成寐故不息燭思嗣親則心傷感故不舉樂。婦始既歿則三月廟

見設其席于奧東面。姑席北墻下南面。婦執笄菜入祝告

辭曰某氏來婦敢奠嘉菜于皇舅某子敢告于皇姑某氏

拜扱地奠菜于几東席上稱來婦言來為婦也廟見必擇

日祭即釋菜成婦之義謂其義猶生之盟饋也室老饋婦

于廟之房中如舅姑醴婦禮。鄭謂此舅姑俱歿者若舅

歿姑存則當時見姑三月廟見舅存姑歿三月不須廟
見則助祭或有繼姑如常禮行之舅歿姑老家婦廟見後
亦得助祭庶婦則無此禮程叔子謂次日見舅姑三月廟
見既改為三日又舅姑存亦得廟見皆與古異矣婦見舅
然則舅存姑歿擇日祭姑于寢若來婦其亦可歟

姑兄弟姑姊妹皆立於堂下西面北上是見已見諸父各

就其寢雜記。舅姑在堂上兄弟姑姊妹在堂下婦見舅

鄭謂婦來為供養見主于尊者故也諸父旁尊故明日詣

其寢見之。○按此禮不甚分明家禮舅姑以婦見同居尊

長畢還拜兄弟姊妹親屬之在西序者長屬少進前立婦

禮頗易行但禮君子臣父子亦無不答拜者長屬不答

非也又婦左卑幼右亦非地道尊右之義其異姓親屬則

俟見本族畢後見之

右傳二章郊特牲文其雜記二節曾子問一節附入。皆以申上章之義。

妻出夫使人致之曰某不敏不能從而供粢盛使某也敢

告於侍者主人對曰某之子不肖不敢辟誅故不敬須以

侯命使者退主人拜送之如舅在則稱舅舅沒則稱兄無

見則稱夫主人之辭曰某之子不肖如姑姊妹亦皆稱之

共供同盛音成使者之使去聲辟避同○家語孔子曰婦

有七夫不順父母去為逆德也無子去為絕世也活去為

亂族姑夫為亂家惡疾去為不可供菜盛多言去為離親

竊盜去為反表也廢婦以承宗廟故云供菜盛不斥其惡

而自稱不敏厚之道也上某夫名下某使臣須俟也命謂

復之之命如齊桓怒蹇少姬歸而未絕王陽出妻復反責

既出猶待後命若臣子之待教也遣妻必命由尊者故稱

舅稱兄其辭云某之子某之弟不敏也○陳選曰無子惡
疾當有義處之何至遽去愚按夫人得以媵妻之子為子
大夫士妻何獨不然惟無子而如則必去耳惡疾不可供
菜盛亦況居別室而以左右媵攝內主事可也禮夫人不
再聘亦以姊妹為媵室若出則借歸或問禮有所取無所
歸與史二年夜前貧後富皆不去則設逆盜淫妬大惡
如之何高愈曰婦人當女黨者及更三年喪歷貧賤富貴
已昏義

之變為日已久苟有大惡當先去之不俟此日矣若無于
 惡疾之不孝則當有義以處之愚謂此等處皆當權輕重
 而以義斷之務合乎天理之正人心之安不可苟為曲說
 附會也愚又思古人見幾明決而用意忠厚故曰出妻必
 使可嫁有妬之實而但以無子出之有不可見宗廟之實
 而但以惡疾出之使以微罪行不為苟去然後知聖人列
 此正有諸侯出夫人夫人比至於其國以夫人之禮行至
 深意

以夫人入使者將命曰寡君不敏不能從而事社稷宗廟
 使使臣某敢告於執事主人對曰寡君固前辭不教矣寡
 君敢不敬須以俟命有司陳器皿主人有司亦官受之必

二反使者使臣之使去聲。陳滸曰在道至入猶以夫人
 禮者致命其國然後義絕也前辭不教謂納采時固嘗以
 此為辭孔氏曰有司還夫人嫁時器皿
 而彼國亦官受之明付受悉如法也

右傳三章

雜記文。記出妻之禮。此當言記而亦曰傳者。從乎其類之辭也。

古者天子立六官三公九卿二十七大夫八十一元士以

聽天下之外治以明章天下之男教故外和而國治天子

后立六宮三夫人九嫔二十七世婦八十一御妻以聽天

下之內治以明章婦順故天下內和而家理故曰天子聽

男教后聽女順天子理陽道后治陰德天子聽外治后聽

內職教順成俗外內和順國家理治此之謂盛德御妻周禮作御

如此字誤也后治之治平聲餘去聲。六官天地四時之

官三公太師太傅太保九卿三少及六官也三公三孤不

必備即六卿兼之陽成于三而窮于九天子理陽教故官

數象之后治陰德而教亦然者陰從陽婦從夫也天子與

后俱六寢后寢即謂之宮外治掌邦教邦禮邦政邦刑邦事內治婦德婦言婦容婦功正身以建其極勤政以總其綱皆所以是故男教不修陽事不得適見於天日為之食明章之也

婦順不修陰事不得適見於天月為之食是故日食則天

子素服而修六官之職蕩天下之陽事月食則后素服而

修六官之職蕩天下之陰事故天子之與后猶日之與月

陰之與陽相須而后成者也天子修男教父道也后修女

順母道也故曰天子之與后猶父之與母也故為天王服

斬衰服父之義也為后服資衰服母之義也適謫通見音現為天為后

之為去聲資當作齊。適謫也蕩其舊失而新之也日陽精月陰精陰陽之政一有不修而謫告遂見于日月天

人之際一理所通一氣所感也日月之食皆有常度推測之士能預知之而以爲不修之過者天子有參贊之功位育之責政教修明則日月當食不食苟或不然則陽德微陰德什部曰有常而已爲非常之變因其變而修之則悔悟之捷捷于影響雖有其象而無其災苟以爲常教而莫之修則慢天喪人其災也大矣夫婦莫大于天子與后故經言之然陰從陽婦從夫未有男教不修而陰事能得者也故正內者正化之原修身者齊家之本○按儀禮諸侯爲天子服斬三年周禮爲后服齊衰鄭云不杖菴孔云諸侯諸臣大夫之適子皆服王肅云諸侯之夫人爲天子從服期江表云臣之妻爲后從服視夫降一等

右傳四章

本篇文○舉天子與后以明內治外治均重如此見昏禮之不可忽也

夫人之不命於天子自魯昭公始也

禮諸侯魯內其妻命于后魯外其妻命于

王昭公娶于吳爲同姓故不敢告于天子天子亦遂不命之此記禮所由廢也

右傳五章

雜記文○記
皆禮之失

禮記卷五之二

終

禮記卷五之三

任啓運章句

鄉飲酒義

孔本第四十五節本第三朱子儀禮第十

三吳澄儀禮傳第四今定為第十五○鄭氏曰鄉飲有四一三年賓賢能二鄉大夫飲國中賢者三州長習射四黨正蜡祭呂大臨曰鄉人時會飲酒亦行此禮毛奇齡曰賓興鄉大夫為政謙射州長為政尚齒黨正為政尚賢以士尚齒以農尚賢以少壯尚齒以老思按賓興之禮在正月先鄉大夫飲之君將進之王又賓禮之養老之飲在十月蜡祭之飲在十二月賓養皆三年一舉州射一年存秋二舉黨祭一年一舉餘無時賓射尚賢蜡祭時會尚齒養及齒德鄉飲酒禮見儀禮第四此亦其傳也

鄉飲酒之義主人拜迎賓於庠門之外入三揖而后至階

三讓而后升所以致尊讓也盥洗揚觶所以致潔也拜至

拜洗拜受拜送拜既所以致敬也尊讓絜敬也者君子之

所以相接也君子尊讓則不爭絜敬則不慢不慢不爭則

遠於鬪辨矣不鬪辨則無暴亂之禍矣斯君子所以免於

人禍也故聖人制之以道鄉人士君子揚唐本作騰蒸潔

字○凡飲必于學養庶老于虞庠賓興于鄉校習射于序

蜡祭于庠時會于塾此言庠舉一以例也主人賓養則鄉

大夫射則州長蜡則黨正也鄉飲之禮先謀賓介夙興戒

賓養定速賓賓至主人出相迎于門外再拜賓答拜拜介

介答拜揖衆賓此拜迎之禮也主迎賓入將進揖當陳揖
當碑揖是主所以致其尊也賓至階三讓主人先升客從
之是賓所以致其讓也先階以潔其手次洗以潔其爵而
後舉觶是主所以致其潔也序至者賓主既升主人作階
上當階北面再拜以謝賓之至而賓亦于西階上答拜也
拜洗者主人降洗賓降再辭奉洗一揖一讓升賓拜以謝

主之洗而主亦答拜也拜受者主進酒于賓席前賓西階上拜受而主少避也拜送者賓進受酒復位主階上拜送而賓亦少避也拜既者賓西階上坐卒爵而拜主答拜也是四者皆主賓所以互致其敬也啐酒告旨亦拜此不言統于拜既也爭心之競慢心之肆闕力相角辨口相勝揖讓拜洗其文尊讓絮敬其義免於人禍見其善也之指鄉飲禮道循引道鄉人鄉里之常人士則鄉人之秀君子亦有德位之通稱自鄉人以至士君子則盡乎人矣聖人制此禮以導之此尊於房戶之間賓主共之也尊有卒酒人福之所以免也

貴其質也羞出自東房主人共之也洗當東榮主人之所

以白紵而以事實也土共如字下共供通。房東房戶室戶賓席室戶之西而南向。主席東房

之南而西向。設尊房戶之間。主以是獻賓。以是酢。故曰共之。呂大臨曰。明君子之財。富與人共。不自有也。卒酒。木也。飲始于水。極于酒。地道尚右。故設卒酒在酒尊之西。以告之也。共猶養也。致味以養賓也。榮屋翼也。設洗于堂下。階

而當東之榮賓酢亦洗于此而專言王者以設于東知為
主人敬賓而設也一尊一洗一羞陳設皆有其義如此則

尊讓潔敬不特在儀節之
間而早在陳設之際矣 祭薦祭酒敬禮也嘑肺嘗禮也

啐酒成禮也於席末言是席之正非專為飲食也為行禮

也此所以貴禮而賤財也卒解致實於西階上言是席之

上非專為飲食也此先禮而後財之義也先禮而後財則

民作敬讓而不爭矣 薦一作薦為皆去聲。薦謂脯醢近
肉曰膾入口曰啐皆嘗之意賓既受

爵有司薦脯醢設折俎賓左執爵坐祭肺醢奠爵薦西與
取肺坐祭嘑之與如于俎坐執手遂祭酒與席末坐啐酒

席拜告旨適西階上北而坐卒爵拜既敬主人之禮故

祭之不敢虛主人之禮故嘗以成之席末席之西偏致盡

也酒為爵之實卒解則致實矣敬為禮食為財祭嘑以行
禮故在席中啐近于實故在席末卒解全乎飲食故在階

上作起也以輕財重禮與共
故讓之心則民自不爭矣
賓王象天地也介僕象陰陽

也三賓象三光也讓之三也象月之三日而成魄也四面
之坐象四時也天地嚴凝之氣始於西南而盛於西北此
天地之尊嚴氣也此天地之義氣也天地溫厚之氣始於
東北而盛於東南此天地之盛德氣也此天地之仁氣也
主人者尊賓故坐賓於西北而坐介於西南以輔賓賓者
接人以義者也故坐於西北主人者接人以仁以德厚者
也故坐於東南而坐僕於東北以輔主人也仁義接賓主
有事俎豆有數曰聖聖立而將之以教曰禮禮以體長幼

曰德德也者得於身也故曰古之學術道者將以得身也

是以聖人務焉僕一作全鄭讀遵今如字。介賓之或無

然有介以輔賓必有僕以輔主而後全故又名全也儀禮

賓若有道者席于賓東一人舉解乃入賓介皆降揖讓升

蓋遵尊也乃鄉先生為人所遵法者本尊于賓以此時不

為正賓故後入耳鄭謂僕即遵非三賓眾賓之長陰陽口

月也三光北辰大火參伐也設位之次賓席階前南面主

席階階上西面介席階上東面眾賓席賓西南面僕主

北西面若遵則賓東戶前亦南面也近世以賓西北主東
南側席相向謬矣賓象天致其尊也主象地所以養也日
體陰而用陽月體陽而用陰故介僕在賓主之間者象之
三辰麗天而為光于天故眾賓之次于賓者象之魄月體
無光者日月相對為望而月行稍遲故望後三日生魄今
賓主相對以升而賓三讓主人先升賓乃從之象月三讓
日而成魄也自南而西為秋西而北為冬北而東為春東
而南為夏此四時也嚴凝者尊不可犯故曰義溫厚者德

盛可觀故曰仁至厚其奉養仁之道賓請其威儀義之道有事賓以義為事主以仁為事也有數多寡陸殺之差也聖通明也既求諸天地以定位而俎豆多寡又合乎陸殺之宜則禮之見於節文者通貫顯明若表立而盡人可見由是敬以將之則內有其本外有其文而禮全矣大賓與爵之外皆以齒序則孝弟之意實見于節文而禮以體之凡觀感者皆興起于吾心自有之德豈不誠有得于身也哉術法之巧者聖人制之以道而妙于行者無不有以得已也又引古語以結之○朱子謂此節牽附迂滯不足深究今姑就其說釋之

右傳一章

鄭氏曰此賓賢能之禮愚謂飲賢養老習射其禮亦然而或小異也

鄉飲酒之義立賓以象天立主以象地設介僎以象日月

立三賓以象三光古之制禮也經之以天地紀之以日月

參之以三光政教之本也

日陽精月陰精以氣化言則曰陰陽以垂象言則曰日月其義

一也禮之大綱曰經條理曰紀錯綜曰參古人制作無月不合于法象自然之理則此三者固政教所由出也

者三日則成魄三月則成時是以禮有三讓建國必立三

鄉三賓者政教之本禮之大參也此又因上參以三光而言曰君象月臣象日食

近日則愈虧成魄即生明也魄者明之對成者生之對此

三日月之讓日故不曰生明而曰成魄自三日成魄至于全

晦而成一月歷三月而成一時是讓之至也三鄉近君而

其禮屈三賓近賓而其禮殺皆讓之道則此參之者固禮

之大烹狗於東方祖陽氣之發於東方也洗之在阼其水

在洗東祖天地之左海也狗陽畜鄭謂取擇人之義烹于堂北之東方洗在阼階下之南

去階如堂之深僅在洗之尊有平酒教民不忘本也本猶始也

西水在洗之東左東也

古人汗尊杯主人必居東方東方者春春之為言蠢也產

飲用水而已

萬物者也。主人者造之產萬物者也。生也。養也。造猶居也。

明主位之義。賓必南鄉。東方者春春之為言蠢也。產萬物者聖

也。南方者夏夏之為言假也。養之長之假之仁也。西方者

秋秋之為言愁也。愁之以時察守義者也。北方者冬冬之

為言中也。中者藏也。是以天子之立也。左聖鄉仁。右義借

藏也。鄉去聲。下同。愁爾雅作愁。或作殺。○賓位西北而

之息。然分辨之嚴。聖生物之通仁。生物之暢。義生物之成

于南面而立。體天地之道。順陰陽之宜。而賓之

位如是。其尊賓之意。為何如哉。言賓位之義。介必東鄉

介賓主也。通故設介以通之。不言僕者。或有時而無且尊

言義

介之輔賓故持著
之也言介位之義

右傳二章

皆申釋上章未盡之義○首二節申賓主
介饌三節申東方東案四節申尊有平酒

五六七節申四面之
坐也鄭本第四章

鄉飲酒之禮六十者坐五十者立侍以聽政役所以明尊

長也六十者三豆七十者四豆八十者五豆九十者六豆

所以明養老也民知尊長養老而后乃能入孝弟民入孝

弟出尊長養老而后成教成教而后國可安也君子之所

謂孝者非家至而日見之也合諸鄉射教之鄉飲酒之禮

而孝弟之行立矣

孝者之孝當作教○六十者坐于堂上
而五十者立侍堂下欲明尊長之義故

為此以示聽事之意也。豆謂加豆，正豆皆偶，而此加豆以年加，欲明養老之禮，當以年並。陸也。孔云：五十者亦二豆。鄉射，鄭謂指州長春秋以禮會民而射于州序，愚謂凡士君子習射皆做其禮也。曰：氏曰：尊長近于事兄弟也。養老近於事父，孝也使鄉黨習見此禮，則孝弟之行不泯，而成極善行禮之效。

右傳三章

鄭氏曰：此黨正屬民飲酒正齒位之禮。愚謂鄉人時會之禮，當有然也。芮城曰：正齒

位之禮，儀禮不見，而此及之。豈賓賢能未嘗不正齒位，而正齒位亦必重賢能歟？蓋不可得而詳矣。愚謂習鄉尚齒，是鄉飲無不尚齒者，蓋賢能同則亦以齒也。

孔子曰：吾觀於鄉而知王道之易易也。

天下雖大，分之則各為一鄉，各以禮

治其鄉則天下平矣。

主人親速賓及介而衆賓自從之，至於門外，主

人拜賓及介而衆賓自入，貴賤之義別矣。

速，召也。主人速賓，賓拜，是主人

答拜還賓拜送速介亦如之若眾賓則不速也賓介至主人拜迎先入賓厭介介厭眾賓皆入門左眾賓不拜迎也三揖至於階三讓以賓升拜至獻酬辭讓之節繁及介省

矣至於眾賓升受坐祭立飲不酢而降隆殺之義辨矣殺色

戒反○既入門至堂下主揖賓升介及眾賓立西階下東

而北上拜至獻酬禮畢賓降立階西當席東面主揖介升

如賓禮但無庭中之揖無燕飲之酬介辭洗而不拜洗不

辨帥不啐酒不告旨是其節已省也介降立賓南主三拜

眾賓賓長者三人各答一拜餘不拜一揖即升為長者三

人洗一人辭洗坐而祭立而飲無興坐之煩卒爵不拜投

爵為更省矣工入升歌三終主人獻之笙入三終主人獻

之閒歌三終合樂三終工告樂備遂出一人揚觶乃立司

正焉知其能和樂而不流也問去聲一人或為二人樂音

洛○既獻眾賓乃皆就席一

人舉解于賓乃設工歌之席于堂廉東上而工入升歌三終者上四人升堂二人歌二人鼓瑟歌鹿鳴四牡皇華每
一篇而一終也笙人三終者堂下三人吹笙一人吹和奏
南陔白華華黍亦一篇而一終也間歌三終者堂上與堂
下更代而作堂上先歌魚麗則堂下笙由庚為一終堂上
歌南有嘉魚堂下笙崇正為二終堂上歌南山有臺堂下
笙山儀為三終也合樂三終者孔謂堂上工歌關雎堂下
笙吹鵲巢合之堂上工歌葛覃堂下笙吹采芣合之堂上
工歌卷耳堂下笙吹采蘋合之賈謂堂上歌瑟堂下笙磬
合奏二而六詩朱子是賈氏愚謂孔分三終甚明但須見
堂上堂下二詩合奏耳獻之獻工也升歌之工于堂上拜
受笙奏之工于堂下拜受主人亦拜送但及其長一人不
備拜也正樂既備工告于樂正樂正告賓乃降立西階之
東北而後此尚有無算樂賓出奏隊而言遂出者孔謂自
此不復升堂也一人主人之吏舉解在工歌前為旅酬始
也樂畢乃行旅酬恐有懈惰失禮者故轉相者為司正監
之察儀法也如此則雖賓酬主人主人酬介介酬眾賓少
和樂而不至於流矣

賓酬主人主人酬介介酬眾賓少

長以齒終於沃洗者焉知其能弟長而無遺矣弟子讓弟

今從朱。前一人舉解先自飲酌以進賓賓受之莫于進

西樂備賓欲出司正舉解請安賓乃取俎西之解作階上

北面酬主人主降席立于賓東賓奠解拜與卒解不洗酌

以進主亦拜受拜送賓揖復席主西階上酬介如賓禮司

正升相旅曰某子受酬受介酬者自介東餘受酬者皆自

西餘如賓禮湯中立曰始入時止主酬賓至此賓又酬主

答其厚養之禮止介酢主人至此賓又酬介答其輔已之

勞衆賓不酢而降至此介又酬衆賓答其均有勞于此則

情文備矣沃洗滌濯之人正酬不與無算爵乃與此蓋統

言之弟長而無遺言少者承順長者而又無一人之遺也

孔謂弟少也言少 降說屢升坐修爵無數飲酒之節朝不

廢朝莫不廢夕賓出主人拜送節文終遂焉知其能安熱

而不亂也說脫同修儀禮作羞下朝音朝莫俗作暮。正

酬既畢復二人舉解于賓介司正請賓坐賓辭

俎弟子徹俎賓主皆降階脫屣揖讓如初升坐乃羞無算爵無算樂盡歡而止修羞也無謂行也亦通凡治事者朝以聽政夕以修令聽政既罷乃行鄉飲固不廢朝矣而燕飲有節亦不因無算爵而遂廢夕也遂猶成也賓出奏隊于送于門外再拜終事而無失禮也貴賤明降殺辨和樂而不流弟長而無

遺安燕而不亂此五行者足以正身安國矣彼國安而天

下安故曰吾觀於鄉而知王道之易易也行去聲。恭敬

足以攝禮故身正人情無不通而分無不得故國安國與天下廣狹雖殊而理則一國安而天下有不安者哉又申結之見鄉飲該王道之全也。○呂大臨曰貴賤降殺禮也不流不亂義也少長無遺仁也行乎一鄉達乎天下由一鄉而知王道之可行乎天下此禮足也

右傳四章

引孔子之言言鄉飲之裕于治以申上章政教之本及教成國安之意家語本並同

朱子非為一章按鄉飲之明日賓拜謝主拜賓之辱
 乃息司正以勞昨日執事之人司正最尊故以司正
 為賓其餘賓介皆不與召先生君子惟意所欲奏鄉
 樂亦惟所欲周世棹曰先生君子不于本日行禮之
 時老者不以筋力為禮也止用鄉樂禮殺也

禮記卷五之四

任啓運章句

燕義

孔本第四十七兩本第六朱子儀禮第三十四

吳澄儀禮第七今定為第十六。左傳云燕以

示慈惠國語云先王之燕禮擇其柔嘉選其馨香

潔其酒醴品其百籩修其簠簋奉其犧象陳其鼎

俎辭其中冪敬其祓除于是有折俎加豆酬幣以

示容合好周禮有燕禮燕樂燕射詩鹿鳴以燕羣

臣棠林以燕兄弟伐木以燕朋友湛露以燕元侯

形弓以燕有功四牡皇華以燕使臣邶澹曰王燕

禮有因祭而餞者中庸燕毛是也有因勞而勞者

小雅四牡皇華是也有因暇而會者伐木所云迨

暇是也湯三才曰諸侯無事朝畢而燕一也鄉大

夫有勌勞之事君與羣臣其燕樂之二也鄉大夫

聘還燕之三也四方聘客燕之四也皇甫侃曰燕

同姓則夜飲異姓讓而止愚按王燕禮已亡今儀

禮所傳乃諸侯之

燕禮此其傳也

諸侯燕禮之義君立阼階之東南南鄉爾卿卿西面北上

爾大夫八字從註疏補大夫皆少進定位也君席阼階之上居主

位也君獨升立席上西面特立莫敢敵之義也設賓主飲

酒之禮也使宰夫為獻主臣莫敢與君抗禮也不以公卿

為賓而以大夫為賓為疑也明嫌之義也賓入中庭君降

一等而揖之禮之也爾淵同敵或作適誤。將燕之日小臣戒與者陳饌器公席阼階即位西

鄉小臣納卿大夫士公降立阼階之東南南向揖而進之

通近也移也變揖言通者臣方踧踖不前揖而移之使近也公揖卿卿進至中庭西面北上揖大夫大夫少進次卿

之南北而東上定位者鄭云為其始入踧踖以安定之也

君席阼階者以主道自居君升而卿大夫不從而升君立席上西面而卿大夫無在西階上同立者君尊莫與行賓

主相敵之禮也。于是射人請賓。公曰：命某為賓。賓禮辭。某命之。拜諾。出立門外。東面。將以賓禮入。蓋燕必有賓。乃成禮。故立大夫以為賓。而臣不敢與君抗。故又使宰夫為主。以獻賓也。公孤也。上公之國得置公一人。孤卿之尊與君為近。又以為賓。則疑于君。大夫位卑。無嫌。故不以公卿為賓。而以大夫也。庭門屏之內。堂下直塗也。射人納賓。賓入中庭。公降一等揖之。以賓故禮之也。莫敢敵。莫敢抗者。臣之尊。君居上位。降階揖者。君之禮。臣君臣各盡其道而已。

席小卿次。上卿大夫次。小卿士庶子以次。就位於下。獻君。

君舉旅行酬。而后獻卿。卿舉旅行酬。而后獻大夫。大夫舉

旅行酬。而后獻士。士舉旅行酬。而后獻庶子。俎且牲。體薦

羞皆有等差。所以明貴賤也。士上士庶子下士也。周禮秋官大事。諸侯次事。卿次事。大

夫次事。上士次事。庶子。陳君復謂言庶子以包中士儀禮賓飲庶子執燭。其職甚微。非夏官之諸子也。設席之法。上

卿在賓東小鄉在賓西大夫又在小鄉之西鄉大夫堂上
 南面東上士庶子堂下西面北上堂上則鄉近君而大夫
 遠堂下則士近君而庶子遠上賈下賤近貴遠賤也獻酬
 之法主人獻賓賓酢主人主人獻公自酌以酢主人洗獻
 酬賓不酬公公固主其酬以優賓也于是小臣請公命下
 大夫二人洗象解膝爵于公膝爵以代酬也公取一解以
 進賓為賓舉旅賓自酌未飲請行酬于三鄉五大夫榮君
 之賜故行酬也然後主人以散爵獻孤鄉孤鄉不辭禮之
 殺也小臣又請命大夫膝公公取前膝爵之副為鄉舉旅
 卿亦行酬如賓禮也然後主人獻大夫于是樂作而升歌
 矣三終獻工畢公取後膝爵為大夫舉旅大夫亦行酬如
 卿禮也笙入間歌合樂皆畢乃立司正徹俎而正禮畢矣
 然後主人獻士賓膝爵于公公取賓膝爵為士舉旅士亦
 行酬如大夫也獻酬皆于西階上賓鄉大夫行酬不及士
 士行酬不及賓卿庶子然後主人直獻庶子于東階君不
 舉旅庶子亦不行酬卑故也既編遂獻左右正及內小臣
 皆于階無算爵無算樂其禮皆先貴而後賤詳貴而略
 賤也牲體相質也薦用脯醢羞庶羞等差若賓有俎餘無

知賓卿得獻卽薦大夫士徧獻而薦一類亦以明也。賤也。○芮城曰篇首有古周天子之官有庶子官。前夫此庶禮乃諸侯之禮與天子之官何與夏官諸子。爵下大夫。其所職掌與庶禮何與。經內雖有獻庶子及庶子執殯之文。然其受獻在士舉旅以後。比執事與甸人。閭人。相。疏。乃諸侯官之卑者。庶禮之行貴者。衆矣。不舉其職而先最賤者何哉。學者不正其誤而反為牽合。辭愈費。義愈離。不如明之為當。愚按夏官之諸子為下大夫。秋官之庶子為下士。尊卑迥別。必他篇斷簡而無知者。見字偶同。遂妄附于此。今移置世子記。則得其類矣。君舉旅於賓及君所賜爵皆降再拜稽首。升成拜。明臣禮也。君答拜之禮無不答。明君上之禮也。臣下竭力盡能以立功於國。君必報之以爵祿。故臣下皆務竭力盡能以立功。是以國安而君寧。禮無不答。言上之不虛取於下也。上必明正道以道

民民道之而有功然後取其什一故上用足而下不匱也
是以上下和親而不相怨也和寧禮之用也此君臣上下

之大義也故曰燕禮者所以明君臣之義也君舉旅於賓
卿曰酬於大

夫曰賜別尊卑也公就西階酬賓賓降西階下再拜稽首

公命小臣辭賓升成拜公坐奠解答再拜執解興立卒解

賓下拜小臣辭賓升再拜稽首公坐奠解答再拜執解興

賓進受虛爵降奠于篚易解洗公有命則不易不洗反升

酌膳解下拜小臣辭賓升再拜稽首公答再拜必下拜者

臣之禮必答拜者君之禮也然所謂禮者豈惟此哉竭力

盡能臣之禮報以爵祿者君之禮也夫臣之忠君豈待爵

祿而後勸而君之待下亦豈徒以爵祿為鼓舞哉然君愈

以禮待臣則臣愈以禮報君交孚之情自不能已故臣下

皆務竭力盡能以立功也臣立功于國則國安國安則君

寧此固臣子自盡之忠而亦君有以取之非虛取也且是

不虛取者豈惟於臣哉出什一以養君者民之禮明正道

以道民者君之禮上先以道道民至民從上之道而有功
然後取其什一是亦不虛取于下也取什一故上用足不
徒取故下不匱用足則上和親而不怨于下不匱則下和
親而亦不怨于上矣夫禮以別君臣明上下其體甚嚴而
和與寧如此者蓋君臣上下本天理之正人心之安故和
寧者禮之川而君臣上下之大義即其所以和者也故燕
禮雖示和實以明君臣之大義也○楊復曰公取勝則酬
賓別是一種與尋常酬禮不同君臣之義其分甚嚴其情
甚親使宰夫爲主所以嚴其分今親舉解酬賓賓下拜必
答拜所以通其情然儀禮不言君酬賓西階下及君反位
尊君空其文也此又所以嚴君臣之分也西階曰吾燕燕
禮而知古君臣之交也其始小臣戒與者宰具饌樂人懸
有君命也公立階階東南射人納賓賓入及庭公降一等
揖賓臣也而賓之矣賓升堂主人拜至酌膳尊主人拜送
既獻賓次乃獻君君也而後臣矣主人西階上獻賓公就
西階酬賓君雖不爲主而主之意申矣編獻卿大夫而後
樂備樂備而後立司正脫屣升席君命曰以我安皆對曰
諾敢不安君命曰無不辭皆對曰諾敢不辭此雖君臣之

辭乎蓋純乎賓主之辭矣于是獻士獻庶子于是無算爵
無算樂日不足繼之以燭賓入以肆夏出以陔夏節文終
遂焉君之于臣愛敬備至如此故燕義曰所
以明君臣之義吾則曰所以達君臣之情也

右傳一章

按本篇所言者皆君燕本國之臣之禮若燕來聘之臣則使卿大夫戒期君迎賓于

門君親獻賓賓因辭乃使宰夫獻周世婦曰辨于已之臣也若燕勞于王事之臣則以樂納賓賓至中庭而奏肆夏升歌鹿鳴三終笙吹新宮三終遂合樂而奏於鏞之篇蓋其禮尤重矣

禮記卷五之五

任啓運章句

投壺

凡本第四十尚本第五朱子儀禮第十一吳澄逸經第六今定為第十七。此古經也漢人得

之弊壁中鄉飲禮燕禮至升坐脫屣則主人請射

所謂鄉射燕射也否則投壺故以次鄉飲及燕之

後呂大臨曰投壺射之細也燕飲有射以樂賓以

習容以講義或庭之修廣不足以張侯賓客之集

不足以備官則以投壺審其節要其容比禮節比

樂志正體直者亦在焉此先王所不廢也孔氏曰

天子至十皆有投壺禮此皆平敵之辭蓋大夫士

皆也天子諸侯禮亡皇侃云屬嘉禮成曰屬賓禮

投壺之禮主人奉矢司射奉中使人執壺主人請曰某有

枉矢哨壺請以樂賓賓曰子有旨酒嘉肴其既賜矣又重

以樂敢辭主人曰枉矢哨壺不足辭也敢固以請賓曰某

禮記投壺

卷五之五

禮記

卷五之五

十

既賜矣又重以樂敢固辭主人曰在矢哨壘不足辭也敢

固以請賓曰某固辭不得命敢不敬從賓再拜受主人般

還曰辟主人阼階上拜送賓般還曰辟奉捧同中去聲哨

旋同時避同。中盞算之器射禮君國中皮樹中郊問中

境虎中大夫兕中士鹿中燕鎗曰皮樹人面獸身孔氏曰

問如驢一角歧蹄兕似牛一角皆刻木象形壘其背以受

算謂之中者射以中為善也主人奉矢在阼階西面司射

來中在西階北而執壘在司射之西亦北而在材不直哨

口不正皆謙辭既賜言既受賜也般還者辟之容曰辟猶

言不敢當欲止其拜也賓既許于西階北面再拜以遙受

矢主人般還而辟之賓既拜賓主各來兩楹間皆南面主

人在東授矢于賓奠之乃還東階拜送賓既受矢亦歸西

階般還而止之熊安云曰辟者贊者告賓之辭。此一節

請投已拜受矢進即兩楹間退反位揖賓就筵兩楹間投

之事

人拜送之後主人贊者持矢投主人主人于階上受之
進就兩楹間亦奠之復送至階西向揖賓與俱席明為
偶也賓主席皆南向其間相
去容弓。此一節即席之賓司射進度壺句問以二矢半

反位設中東面執八算與請賓曰願投為入比投不釋勝
飲不勝者正爵既行請為勝者立馬一馬從二馬三馬既

立請慶多馬請主人亦如之古本無以二矢半四字鄭本無一馬從二馬五字為勝之

為去聲。度壺其設壺之處也。二矢半自壺邪行及賓
主之席室則五尺室則七尺庭則九尺也。司射于西階上
受壺東而來賓主筵之南量地遠近以置壺仍還西階取
中以進設于壺之西乃于中西東面手執八算以興而告
于賓主必八算者賓主各四矢亦各四算也。既告即以八
算實之中內投入乃釋之。孔貴皆謂中實八算手執八算
釋手所執者未知是否。矢有木末本入乃釋未入則否。又
賓主當更迭而投若一人連投二矢雖中不釋也。正爵前

禮記投壺

卷五之七

二

射謂之正者以其為正禮也。湯三才曰：算以記其入之數，馬以記其勝之數。孔氏曰：馬亦算為之。陳皓曰：謂之馬者，取威武之義。愚謂：若今博者謂籌為馬也。投壺以三而止。若一人三勝，則立三馬；二勝，則并取一勝之馬而行慶禮。故曰：一馬從二馬也。司射請事賓主，皆應曰：諾。命弦者曰：此一節司射請賓主之辭，乃投壺之法也。

請奏，豕首間若一。大師曰：諾。命亦司射命之。弦鼓瑟者，大

故大師率弦者升堂而歌，狸首逸詩篇名。鄭謂射義所引。曾孫侯氏者，近之。呂謂原壤所歌，非也。間若一，謂前後樂

節中間疏數均也。左右告矢，其請拾投有入者，則司

此一節命樂工之詞。左右告矢，其請拾投有入者，則司

射坐而釋一算焉。拾更迭也。司射右告于賓，左告于主，言

者，則就中取一算釋之于地，賓入釋于中南，主人釋于中

北。二人投畢，各反其位。司射收算八算于中，俟後投者。

此一節方投之事。按射初不釋算，再釋算，猶

不作樂投壺初即釋其樂作于于歡樂故也。賓黨於右主

黨於左，先投者畢，各反其位，繼投者以次而進，其釋算卒，各以賓主之黨為對焉。○此一節繼投之事。

投司射執餘算曰左右卒投請數。句 二算為純一純以取。

一算為奇，遂以奇算告曰某黨賢於某黨若干純奇則曰

奇鈞則曰左右鈞。今本無餘字及二黨字從朱子定本一

基。○賓主之黨卒投司射乃請數所釋之算二算謂之純

一算謂之奇。數實之算就地先取一純實于左手而二純

三純以至十純則縮而委之。每委異之數主之算先數所

釋之算于手一純則委之至十乃異之。其有數純則橫于

下有餘奇則又縮于下奇算零數也。計賓主相敵之數而

以其餘告若多二算則曰賢于某一純多一算則曰一奇

多三算則曰一純一奇相敵則曰左右鈞也。射必比釋投

壺則二人亦可為之。若賓主各有黨則總計之曰某黨賢

于某黨也。于于文為一為十言若

者未定之辭。○此一節卒投之事。命酌者曰請行觴酌者

曰諾當飲者皆跪奉觴曰賜灌勝者跪曰敬養大戴作舉手曰請諸

勝者之子弟為不勝者酌酌者曰諾以酌皆請舉酒當飲

者云云○司射請于賓主命勝者之子弟行正爵當酌者

諾乃于西階上南面設豐洗解升酌坐奠于豐上勝者不

勝者俱升自西階勝者在東不勝者跪而取解退而跪飲

之言蒙賜之伏勝者亦跪而言敬以此養各為尊敬之辭

馬氏曰受以禮而不怨勸以禮而不矜也○此一節勝飲

不勝正爵既行請立馬馬各直其算一馬從二馬以慶慶

禮曰三馬既備請慶多為賓主人皆曰諾正爵既行請徹

馬大戴首有司正曰三子請立馬作請為勝者立馬今本無人字下正爵一本作慶爵○行罰既畢司射乃告賓

主請為勝者立馬此一勝之事也由是而再投三投皆為

勝者立馬故曰馬各直其算此三勝之事也三投皆勝固

當慶矣即二勝一負非一馬從二馬以慶也慶禮之辭亦

司馬為之慶亦正禮故亦謂之正爵鄭氏曰慶爵賓主親

行不使子弟無費既徹馬無算爵乃行愚按若卑幼勝則不擢馬○此一節慶多馬及禮畢事周則復始吳澄本有此句今本逸○周賓黨主黨皆徧也○此一節復投之事

右經一章

算多少視其坐賓主二人固八算矣若黨眾則每人四矢亦每人益四算也其實于中則每投八算

籌室中五扶堂上七扶庭中九扶籌鄭曰矢也愚謂馬也以見例扶膚同廣一指曰寸四指曰膚賈公彥曰五扶二尺七扶二尺八寸九扶三尺六寸投壺日中于室將晚于

堂大晚于庭隨日之光其地有廣狹故籌有長短也算長尺二寸壺頸修七寸腹修

五寸口徑二寸半容斗五升壺中實小豆焉為其矢之躍

而出也壺去席二矢半脩長也高也朱子曰壺不言圍徑以高之度量之容相乘求之當腹

圓二尺四寸一分腹徑八寸五釐鄭謂實積三百二十四寸其容二斗則三分益一虛加之數經以圓壺言鄭以方壺言愚謂圓參天方兩地計方易計圓難故就圓加一為方積定仍去四之一即圓之實積也實以小豆鄭曰取其常且矢以柘若棘毋去其皮別本無毋字大戴下有七分堅也○呂大臨曰扶數以奇壺容數亦奇陽數也算尺二質也○呂大臨曰扶數以奇壺容數亦奇陽數也算尺二寸天數也君子之所法象必求諸陽本諸天愚謂矢算數偶陰也壺數奇陽也陰陽兼之也

及使者童子皆屬主黨庭長司正也鄉飲將旅使相為司正在庭中立于解南北面察不如

儀法者故謂司正為庭長樂人太師及蒞者使者執事之人冠士童子皆來觀禮者冠士長故屬賓黨童子幼故屬主黨若賓主之子弟則黨各屬其黨也按射禮樂既在西階前此為主黨或禮殺歎鄭謂指國子之能為樂者疑非然魯令弟子辭曰毋恤毋敖毋偕立毋踰言偕立讎言有

常問薛令弟子辭曰毋懽毋救毋借立毋踰言若是者深

懽一作懽踰一作遙浮一作符一作宛。弟子賓主黨之

俸者投壺時立于堂下恐相褻慢故詞正戒之懽大也自

尊之意故則慢于人也借立不向長者踰言遠相告語皆

不敬也常問謂有常規浮亦謂也曾薛之合意同而辭

少異故投壺時擊鼓以為節毛奇齡曰此歌豨首詩之

併記之鼓鼓節也節衆之器有三祝也鼓也搏拊也射與

投壺但以琴瑟尚歌以鞀鼓為節不用祝與搏拊也容體

步止與歌聲相應而總以二鼓為之節故曰何以聽何以

射但投壺之節半于射而所歌亦限于豨首。○口○○口

一詩無駢虞以下天子諸侯大夫士之等耳。○口○○口

口○○口○○口半○○口○○口○○口○○口○○魯鼓以此

上魯人擊鼓之節也鄭氏曰圓者擊鼗方者擊鼓鼗聲下

其音樹樹然鼓聲高其聲鏗鏘然古者舉事鼓各有節聞

其事矣

禮記投壺

五

右記一章 芮城曰先儒皆以此為儀禮正經或以兼稱魯薛疑其為傳非也儀禮諸篇之末皆有記曰以博異義此亦然耳朱子儀禮九經後記皆分屬各節下以從簡便此篇亦然今竊取朱子意而仍其舊斷為經

一章記一章

禮記卷五之五

禮記卷五之五
終

禮記卷五之六

任啓運章句

射義

孔本第四十六篇本第四朱子儀禮分鄉射義第十五大射義第三十六吳澄亦分第五第六

今定為第十八○易曰弦木為弧剡木為矢世本云振作弓夷牟作矢荀子云倕作弓淳游作矢四人皆黃帝臣山海經又云少昊之子般始為弓豈上古但弦木而筋角之用至般備賦陳傅良曰射禮有三大射在郊賓射在朝燕射在寢許諫曰大射天子有事郊廟與來朝諸侯畿內諸侯王子弟及所貢之士行之賓射諸侯朝王及相朝聘行之燕射無事燕樂及燕飲賓客行之天子諸侯大夫備三射士無大射按周禮鄉老及鄉大夫獻賢能之書於王退而以鄉之五物詢衆庶州長春秋以禮會民射於州序保氏六藝之教諸子國子之考藝莫不有射賈逵言庶人無射禮則因田獵張獸皮射之蓋射為男子之事上自天子下庶人無人不射即無人無禮所以消其凌競之氣而化

禮記射義

卷五之六

七

於和平道至深也。儀禮有鄉射禮、大射禮，此篇既非分傳，又非兼釋，累去本經儀節，泛陳大意而已。故不敢從朱子分列而但就本篇條次之。

古者諸侯之射也，必先行燕禮。卿大夫士之射也，必先行

鄉飲酒之禮。故燕禮者，所以明君臣之義也。鄉飲酒之禮

者，所以明長幼之序也。禮有因飲燕而射者，有因射而燕者。如鄉飲則旅而射，鄉射則射

而旅。燕禮則三舉旅而射。大射則再舉旅而射。飲燕則升歌。笙入，開歌合樂，皆備。鄉射則惟合樂。大射惟歌鹿鳴。笙

新宮，義各有主也。飲燕主於洽，情射主於辨。分故因射而

燕飲者，所以明君臣之義。長幼之序，非猶夫飲燕止主於

達賓主之情也。○翔曰：明君臣之義，如燕公答再拜射而燕止，答一拜亦是。故射者進退周還

必中禮，內志正，外體直，然後持弓矢審固，持弓矢審固，然

後可以言中此可以觀德行矣

此言容之化於禮也呂大臨曰射禮先比稱稱有上

下皆執弓而挾矢其進也當階以階當物及物皆揖其退亦如之其行有左右其升降有先後其射皆拾發其取矢於楛也始進當楛取矢皆揖既楛挾揖退與將進者揖其取矢也有橫弓如手兼附順羽之節卒射而飲勝者祖決遂就張弓不勝者讓脫決遂加弛弓升飲相揖如初則進退周旋之中禮可見矣然此豈一時之所能為哉蓋必其平日敬以直內而志無不正義以方外而體無不直故其形之於射也志正而持弓矢亦審體直而持弓矢亦固然後審足以見之固足以至之巧力兼至而可以言中矣是即射之一端而平日之德行可見也○翔曰君子之學內外交修而以內為主是內志正又外體直之本也

其節天子以騶虞為節諸侯以

狸首為節卿大夫以采蘋為節士以采芣為節騶虞者樂

官備也狸首者樂會時也采蘋者樂循法也采芣者樂不

失職也是故天子以備官為節諸侯以時會天子為節卿

大夫以循法為節士以不失職為節故明乎其節之志以

不失其事則功成而德行立德行立則無暴亂之禍矣功

成則國安故曰射者所以觀盛德也

此言節之比於樂也

南篇名。魏首篇。逸周禮射人。駒虞九節。狸首七節。采蘋采

蘋皆五節。每射四矢。每矢一節。後四節則聽之以射其前

則但歌而聽之也。駒掌乘之官。虞掌山澤之官。田獵之時

兩官皆有事。草木茂禽獸多者。虞入。番育之功有餘而不

盜取。駒人。馳驅之節。故詩呼二官以美之。二官且備則他

官無不備可知矣。時會所謂小大莫虞。御于君所也。采蘋

詩。采之盛之。湘之奠之。俱有法度。采蘋詩。言風夜在公。不

其職。故用以為射之節。使射者各因而有志焉。明其志

為其事。天子得人。以亮天工。諸侯朝會。以謹王度。卿大

夫守典。奉法。士各盡其所分職。則綱舉於上。目具於下。而

功成君道止仁臣道止勤而德行立德行立德則動無過舉而豈有停於理紊於理之一禍功成則事無不當而國又豈有不安者哉如是則德之所積暢於四肢發於事業而德極其盛矣是射之有節又可以觀其德之日盛也

是故古者天子以射選諸侯卿大夫士射者男子之事也因而飾之以禮樂也故事之盡禮樂而可數為以立德行者

莫若射故聖王務焉數音朔下同行去聲○言射可觀德如此故古天子因以選諸侯卿大夫

士而觀其德也射以供弋獵本男子之事初非為立德行而設然古人教人皆因人有所事而飾以禮樂使之有以正其性而養其情而盡禮樂而可數為尤莫如射故聖人後之容比禮節比樂是盡禮樂也將祭禘士以及朝聘飲燕詢衆教胄居常弋獵是故古者天子之制諸侯放獻賈無不用之是可數為也

士於天子天子試之於射宮其容體比於禮其節比於樂

而中多者得與於祭其容體不比於禮其節不比於樂而

中少者不得與於祭數與於祭而君有慶數不與於祭而

君有讓數有慶而益地數有讓則削地故曰射者射為諸

侯也九字朱子削之是以諸侯君臣盡志於射以習禮樂夫君臣

習禮樂而以流亡者未之有也比中與俱去聲○鄭謂歲

物三年乃貢十愚謂獻上進之意言當貢士之歲諸侯貢

此士於王也大國三人次國二人小國一人周禮貢士一

適謂之好德再適謂之賢賢三適謂之有功一不適謂之

過再不適謂之敖三不適謂之誣蓋諸侯平日能以禮樂

為教則所貢之士必賢不然則否故因擇士而諸侯之賢

否見焉慶賞行焉是射乃射為諸侯也夫禮樂之事多端

而可數為莫如射君臣平日盡志於射以習禮樂則性無

不節情無不和行立功成皆在於此夫豈有流亡之禍哉

蓋志於射以習禮樂此一篇之大指○吳紱曰射是禮樂
中之一事不是專去習射亦不專以射習禮樂翔曰孟子
土地闢云云知諸侯之讓讓不專以貢士即此言數與
數不與亦不專在一歲也孔傳言一適賜弓矢衣服再適
賜珪鬯三適賜虎賁一不適緇爵再不適
削地三不適地盡則太過不可為典矣 故詩曰曾孫侯

氏四正具舉大夫君子凡以庶士小大莫處御于君所以

燕以射則燕則譽言君臣相與盡志於射以習禮樂則安

則譽也是以天子制之而諸侯務焉此天子之所以養諸

侯而兵不用諸侯自為正之具也詩鄭謂即理首篇文引

亡之意諸侯推木始封之祖故曰曾孫四正獻賓獻君獻

孤卿獻大夫四正爵也大射禮主人獻賓賓酢主人主人
獻公酢主人主人酬賓下大夫腰爵於公公為賓若孤卿奉

主人獻孤卿下大夫再腰爵於公公為賓若孤卿奉
射義 卷之六

人獻大夫樂作立司正至三射畢公乃為大夫舉族是前
 所舉惟正四爵也小大威卸如祭儀有司正為政有司馬
 佐政有司馬正司馬師聽政有太史其餘若梓人畫物獲
 者負侯小臣正贊祖小射正取拾大射正執弓小臣師奉
 中司空士奉豐僕人師洗解之類以燕謂既射而燕以射
 謂既射復燕燕安樂也引詩而中釋之言所以能安樂
 惟其能盡志於射以習禮樂故也安樂則無流亡之禍矣
 天子制選士慶讓之法而諸侯遂莫不盡志於禮樂此先
 王潛移默化人於善之妙也○按大戴禮載程首詩云
 質參既設執旌既載于侯既抗中獲既置弓既平張四侯
 既良決拾有常既順乃讓乃揖乃讓乃濟其掌乃節其行
 既志乃張射夫命射射者之聲御車之旌既獲卒莫正爵
 似與騶虞二詩不類

右傳一章

言射以觀德前三節統鄉燕諸射
 而言後一節則專以大射言也

射之為言者釋也或曰命也釋者各釋已之志也故心平

體正持弓矢審固持弓矢審固則射中矣故曰為人父者

以為父鵠為人子者以為子鵠為人君者以為君鵠為人

臣者以為臣鵠故射者各射已之鵠故天子之大射謂之

射侯射侯者射為諸侯也射中則得為諸侯射不中則不

得為諸侯此申上章志不失事之意釋思其義舍止其所

釋以知言舍以行言也釋已之志言釋之義心

平體正而中則舍之義也父鵠四者所釋之實各射已鵠

則舍之實也蓋道所當止猶鵠之富中故見鵠而釋之即

知已所當止之道如父慈子孝君仁臣忠是也下復以天

子大射而諸侯之得與於祭明之言為諸侯即以為侯鵠
能釋而舍之則能盡諸侯之道而可以為諸侯不然則不
盡諸侯之道而不可為諸侯矣○按考工記祝辭言惟若
寧侯母若不寧侯不屬于工所故抗而射女是為不臣之
侯戒也此言射中則得為諸侯又是為盡道之侯勸也皆

後儒因侯字生此曲說夫射自天子至士庶皆得行之獨
 於諸侯取義何始朱子曰射中為諸侯則如窮羿何以處
 之芮城曰有德之人必無內志不正外體不直容不比禮
 節不比樂則即射亦可見其德行非必取射以觀之也明
 乎此則所謂射為諸侯與選諸
 侯卿大夫士可不以辭害意矣天子將祭必先習射於澤

澤者所以擇士也已射於澤而后射於射宮射中者得與
 於祭不中者不得與於祭不得與於祭者有讓削以地得

與於祭者有慶益以地進爵紕地是也此復申以射選士之意古者學宮皆

依水澤為之則此澤疑即鄉學而射宮即國學之東序也
習於澤弓以弧射以楛射於射宮則弓以夾射以侯進爵
紕地蓋古禮文而此引之故男子生桑弧蓬矢六以射天
 進言爵紕言地五文也

地四方天地四方者男子之所有事也故必先有志於其

所有事然後敢用穀也飯食之謂也此復申射者男子之事之意始生即射明
能有事於天地四方然後
可尊天地四方之養也

石傳二章

皆以申上章未盡之意

孔子曰士使之射不能則辭以疾縣弧之義也郊特牲曰

故託疾在於託疾而恥彌深矣射者仁之道也求正諸己已正而后發發

而不中則不怨勝己者反求諸己而已矣正己而不怨人其所以為仁也

孔子曰君子無所爭必也射乎揖讓而升下而飲其爭也

君子揖讓而升者上綱揖進上射在左並行當階北面揖

及階揖上射先升三等下射從之而升也揖讓而下

者射下南而揖階上揖階與升射者相交於階前又揖也揖讓而飲者射既畢設饗於西楹之西勝者洗爵

酌坐奠於豐上降司馬命三耦及衆賓勝者袒決遂執
弓不勝者襲脫決遂加弛弓一耦進揖如升射時及階勝
者先升不勝者進北面坐取解廝少進立飲進生奠之
下與此不勝者先降與升飲者相交於階前亦揖也揖讓
如此復孔子曰射之以樂也句郊何以聽何以射本篇郊
何爭哉孔子曰射之以樂也持姓

循聲而發發而不失正鵠者其惟賢者乎若夫不肖之人
則彼將安能以中詩云發彼有的以祈爾爵祈求也求中以

辭爵也酒者所以養老也所以養病也求中以辭爵者辭

養也射以樂為節然何以聽樂之節而射之節適與之合

聲以下記者釋之之詞正亦作此鴉鴉皆鳥之小者點提

難射故取以為的而其義則正取諸正鵠取諸直也夫射

則張皮侯而設的者射則張布侯而設正詩小雅賓燕之
篇勝者不言罰而言養此讓道也然非老非病而受大

養亦亦恥乎故
求中以辭之

右傳三章

雜引孔子之言以明之。○首節以能言次節以心言三節以禮言末節則以戒德言

也不能而以爲恥不中而必反求揖讓將之以禮循聲比之以樂有爲己之心無上人之意射以覲德豈不信哉

孔子射於矍相之圃蓋觀者如堵牆射至於司馬使子路執司矢出延射曰賁軍之將亡國之大夫與爲人後者不入其餘皆入蓋去者半入者半又使公罔之裘序點揚解而語公罔之裘揚解而語曰幼壯孝弟者蓋好禮不從流裕脩身以俟死者不在此位也蓋去者半處者半序點又

揚解而語曰好學不倦好禮不變施期稱道不亂者不在

此位也蓋斷有存者延一作誓貫價同與鄭去聲萬如字後萬作役序一作徐揚唐本並作騰

者不之不陸讀音呂如字朱子從之期一作俱一作勤○

矍相地名有蔬菜曰圃如堵楛言環而親者眾也鄉飲禮

將旅酬使相為司正將射轉司正為司馬至于司馬謂至

其時也親射之眾亦有欲射者故出延之斯時未入未有

賓主之禮故皆其惡使不得入也鄭云與奇也人有當立

之後而往強與之貪生無勇敗國不忠貪利忘親三者皆

大惡也萬謂為人賤役亦通公罔氏葵名序氏黜名毛留
業謂即孔子弟子公祖子之奚容蒧也揚解在射既畢反
司馬為司正舉解於賓賅眾皆在賓位不可斥言其惡故
但簡其善而無其善者自退也九十曰迄百年曰期極老
而言論無違有德必有言也呂大臨曰裘所稱者德有立
矣點所稱者德有成矣有立寡有成尤寡眾所聚會簡別
賢否人所難言故反言之曰不在此位以深示其不斥
言也孔謂問眾中有如此人否有則可在此位也亦通

右傳四章又引孔子之事以証之。○呂大臨曰。孔子
如是之甚。特門人逆料其意。爲此說耳。愚謂聖人雖
不爲己甚。而春秋所誅。既未嘗不嚴。況子路爲司馬
有警衆之職。其言之厲。未爲過也。若裘點爲司正。則
自不宜如此。然子路語厲。而寬。裘點語恭。而密。初非
徇人也。若但以同融爲聖人之德。其不流於鄉愿者。幾希

禮記卷五之六終

禮記卷五之六終

禮記卷五之七

任啓運章句

朝義

孔本失其篇次朱子儀禮第四十四吳澄儀禮傳第十今補定為第十九。周禮大宗伯以賓

禮視邦國大行人掌大賓之禮及大客之儀春朝以

圖天下之事秋覲以比邦國之功夏宗以陳天下之

謀冬遇以協諸侯之慮時會以發四方之禁服同以

施天下之政今儀禮惟存覲禮一篇餘篇皆亡此篇

則統凡朝而言非止春朝之朝也趙惠曰虞夏諸侯

歲朝周制侯服歲朝甸服二歲男服三歲采朝四歲

衛服五歲要服六歲而一朝晉霸五年一朝蔡沈曰

虞夏巡守之明年東諸侯朝又明年南諸侯朝又明

年西諸侯朝又明年北諸侯朝又明年復巡守愚按

書惟言五載一巡守羣后四朝其分四方無確據周

禮分邦畿之外為侯甸男采衛要夷鎮蕃九服國語

則以邦內為甸服而分邦畿之外為侯賓要荒四服

周官一篇言五服又言六服其朝之歲則或言五年

言六年或以服之遠近分疏數愚按國語五服與禹

貢正同要即綏也邦丙甸服乃公卿大夫食邑所在
 其列于六官者將朝夕在廷即世祿無官亦使令及
 之其朝不可以歲計也國語侯服則統周禮侯甸男
 采言之蓋風教日廣故侯服日開其勢不得不又分
 其名故又別為甸男采而實則皆諸侯也侯衛賓服
 與周禮衛服正同變夷要服則兼要夷二服戎狄荒
 服則兼鎮藩二服也其朝之歲富以周禮為正周官
 言五年六年特舉遠以該近耳王初即位諸侯富畢
 朝觀竹書成王元年誥諸侯于皇門康王元年諸侯
 大朝于豐宮荒服且世見終王而餘更可知矣嗣後
 分六服遞朝至十二年王巡守方嶽則六服畢至故
 曰大朝于方嶽毛尚論謂周諸侯六年一朝周禮所
 云侯服歲一見言六年中之第一年二歲三歲即六
 年之第二年第三年五服止五年而又曰六年者又
 有要荒四服不必其果至實稱六年所以定其時虛
 稱五服所以殺其等蓋衛服曰賓已有不臣其人之
 意要服曰夷更為王者所不治故不列之五服六服
 正朝之中亦來不拒去不追之義也其當朝之年與

諸侯多于春西諸侯多于秋觀明堂位魯闕春祭行
書書春徐子來朝秋西戎來賓可見而亦不盡拘也
諸侯喪服畢必行觀禮故詩曰以其介圭入覲于王
若周禮所云朝宗觀遇會同則因事而舉非常朝也
其宗人嘉事在路門內日視朝在路門外訶萬民在
庫門外諸侯常朝受犂于朝受享于廟受犂和受享
肅春夏以受犂為重秋冬以受享為重春朝夏宗亦
受犂于朝秋觀冬遇犂享一受之廟會同則于郊壇
也

古者聖王明義以別貴賤以序尊卑以體上下然後民知

尊君敬上而忠順之行備矣義者事物當然之次貴賤尊卑上下皆天所叙而非禮亦

無以明之也是故古者天子之官有典命官掌諸侯之儀大行

人掌諸侯之儀此下疑脫大行人掌諸侯之九儀句以等其爵故貴賤有別

尊卑有序上下有差也典命掌諸侯之五儀諸臣之五等

以定其爵故貴賤有別尊卑有序上下有差也

王父錄本無此三十

一字天子之所以章明者此義者以朝聘之禮

朱子儀禮無此十六字今

並存之。典命宗伯之屬中士二人掌諸侯之五儀諸臣之命等諸臣之爵以同邦國之禮而待其賓客五儀公侯伯子男也五等孤卿四命下至三命再命一命及不命之士也九儀合諸侯五諸臣四共九命不命之士不與也諸侯之儀辨于朝諸臣之儀辨于聘所以明貴賤尊卑上下之義者以此

右傳一章

統言朝聘之禮之大

諸侯朝

從吳澄本朱子作故朝聘之禮

各執其圭瑞服其服乘其輅建其

旌旗施其樊纓從其貳車委積之以其牢禮之數所以明

別義也樊繁通積去聲。輅同姓金格異姓象輅入朝則降一等親禮所稱聖車也。樊馬腹帶。攬馬頸鞮。貳車別車也。周禮上公九命執桓圭九寸纁黼九

章建常九旂樊纓九就貳車九乘侯七命執信圭伯七命

執躬圭車服旌旗各以七為節子五命執穀璧男五命執

蒲璧車服旌旗各以五為節諸侯遺子誓于天子攝若則

下其君之禮一等未誓則以皮帛繼子男委積之供委積

以進之也少曰委多曰積周禮有大賓客則大司徒令野

修道委積小賓客則小司徒令野修道委積道人掌之委

人待之宰訝致之半禮上公五侯伯四子男三委數積數

亦如之也。此一然後天子率諸侯而朝日東郊所以教

尊尊也退而朝諸侯為壇三成宮旁一門天子南鄉見諸

侯土揖庶姓特揖異姓天揖同姓所以別親疏外內也

大采朝日章昭謂春分之日服五采之服以朝林雲銘謂
 每日一朝此則天子執鑿圭尺有二寸帥諸侯出東門外
 而朝之也四時之朝于廟惟大會同則為壇周禮司
 儀將合諸侯則令為壇此舉重而言也壇在國門之外春
 于東夏于南秋于西冬于北四每曰成三成則十二卷也
 每成為一等損公于上侯伯于中子男于下壇外為宮方
 三百步壝土為墻以象崎壁旁一門四旁各一門也朝日
 畢反祀方明乃以禮見諸侯上推下其手其禮經天揖上
 其手其禮重時揖則適當平衡禮之中也庶姓異姓之小
 者異姓王之外親同姓王之宗族有親疎之殊故禮之各
 有所宜也○此天子臨朝之禮公侯伯子男各以其旂就其位及其將幣

也公于上等所以別貴賤序尊卑也上介豫建其旂為其君見王之位諸公中

階之前北面東上諸侯東階之東西面北上諸伯西階之
 西東面北上諸子門東諸男門西皆北而東上諸侯入墻
 門或左或右各就其旂而立王降階南向揖之以定其位
 王升壇設楮以會同之禮公債畢乃更陳楨而升次侯次

伯次于男傳簡凡四也幣所享者周禮小行人合六幣圭
以馬璋以皮璧以象琮以錦琥以繡璜以繡公鷩圭璋及
享幣拜于上等侯伯于中等子男于下等蓋以
諸侯有貴賤尊卑之異故以位與等別之也 莫圭降拜

升成拜明臣禮也奉國地所出重物而獻之明臣職也肉

袒入門而右以聽事也明臣禮臣職臣事所以教臣也 儀

傳命唯侯氏入門右坐莫圭再拜稽首侯氏坐取

圭升設命王受之侯以降階東北而兩拜稽首侯者延之

曰升升成拜乃退此朝之正禮也三享以屬之所有中庭

西上奠幣再拜稽首侯延之侯氏升致命王撫玉侯氏降

自西階東向受率幣西階前再拜稽首出此享禮也門道

門者觀則廟門也內初十門之東人門右北面立告聽畢

侯者謂諸天下天子辭曰伯父與率歸寧爾邦侯氏再拜

稽首出此請事之禮也蓋命之升者天子所以優其臣必

先下拜者臣子自盡其敬惟國所有者王者不責所無必

以重物者臣子自致其愛王曰無事者天子休息無事

朝義 卷之二 四

祖請事者臣子自効其力也。○周禮侯服貢祀物甸服貢
饋物男服貢器物采服貢服物衛服貢財物婁服貢貨物
萬縵辨之謂如此必責所無非周公意然愚謂祀物饋物
其品非一當亦以所有貢之非物物求備也。祖而請事只
是敬事之意曲禮所謂不有敬事不敢袒禡也。率而祀天
先儒謂請罪受刑恐非。○此諸侯入朝之禮。

於南郊配以先祖所以教民報德不忘本也。率而享祀於
太廟所以教孝也。與之大射以考其習禮樂而覲其德行

與之鬯事以觀其能儉而禮之三饗三食三燕以與之習

立禮樂是故一朝而近者三年遠者六年有德焉禮樂為

之益習德行為之益修天子之命為之益行德行之行去聲燕一作晏

為之一作謂之。○諸侯來朝而當天子有郊廟之祭則諸
侯亦與助祭示以敬天尊祖之義亦所以為教也。迎氣祈

穀也郊祭地諸侯皆與獨言南郊舉重也大射將祭擇士
之對闕事圖謀國家之事也大射以觀其德闕事以觀其
能而諸侯之賢否可知賢則慶之官之否則教之戒之也
饋餼接也周禮大行人王禮上公再醑而酢饗禮九獻食
禮九舉爰伯一裸而酢饗禮七獻食禮七舉子男一裸而
酢饗禮五獻食禮五舉饗主于敬燕主于情食兼恩禮之
中公三饗三食三燕侯伯再饗再食再燕子男一饗一食
一燕此亦舉重也習立習之而後立買說所云人之所設
不為不立也近謂侯甸男其朝在三年之內遠謂采衛要
其朝六年之內德觀摩而有得如上報德教孝諸事也○
此天子行禮然後使諸侯世相朝交歲相問殷相聘以習禮

樂考義正刑一德以崇天子故曰朝聘之禮所以正君臣

之義也父子相繼為一世交有事相交殷盛禮也諸侯之

相朝聘亦所以尊王制也○左傳孟僖子如齊殷

聘服虔注自襄二十一年叔老聘于齊至今二十年故修歲

聘是諸侯之神無定歲也○胡安國曰殷中也中歲而聘

易世而朝其為禮亦節矣周衰無禮義之交惟強弱是視
 或來朝而不報或屢往而不納無合乎中聘世朝之制矣
 且于天子之迷職闕如而自相朝
 聘可乎故凡春秋書朝聘皆議也

右傳二章

諸侯朝于天子之禮

諸侯相朝之禮各執其圭瑞服其服乘其輅建其旌旗施
 其焚纓從其軿車委積之以其牢禮之數所以明別義也

諸侯之朝所謂世相朝也○按覲禮諸侯朝于天子禘冕
 墨車戴個云車服皆降一等示貶損也則諸侯相朝必以
 命數可知然覲禮于覲之日始言禘冕墨車則受舍以前
 賜車服以後亦如命數也又大朝以示盛車服亦不降

介紹而相見君子于其所尊弗敢質敬之至也

紹繼也出次介以至

上擯遞相繼也介用命數之全擯用命數之半公相朝禮
 主君出大門外賓去大門九十步而陳九介東面南上主

君陳五擯西面北上上擯受命出請事以次傳末擯末擯傳末介以次及上介上介告賓此傳而出也賓命上介以次及上擯而告君此傳而入也如是者三所謂交擯三辭也侯伯相去七十步子男五十步其介皆如命數質正也言正相對而親語之賓主皆不敢質故必有擯介以通其情也君使大夫迎于竟卿勞于道君親郊勞致館及將幣拜迎于大門外而廟受北面拜貺所以致敬也三讓而後升所以致尊讓也敬讓也者君子之所以相接也諸侯相接以敬讓則不相侵陵也此天子所以養諸侯兵不用而諸侯自爲正之具也勞去聲○迎于竟事也勞于道請行也卿再勞矣君又親之備三勞也卿校館矣君又親致之使卽安也凡諸公相爲賓主五積三問再勞皆旅擯介九人擯九人主君郊勞交擯亦介九人擯九人致館如郊勞之禮致殯如致積之禮皆有幣郊勞疑

當加璧此始至之禮也既傳命主乘車迎賓賓車進主君
 下賓亦下三揖三讓入門折而東入廟門歷三門三曲每
 門每曲揖至階三讓升主君作階上北面拜乃就兩楹間
 南面賓進授玉君受之退西階上北面拜必廟受者先君
 之好是繼非私專之也此皆主之致敬于賓也三讓者主
 君讓賓賓讓主君如是者三主君先升此則賓之致讓于
 主也相接以敬讓如此君親致饗既還圭饗食致贈郊送
 又安有侵陵之禍哉

所以相與習禮樂也諸侯相與習禮樂則德行修而不流

也故天子制之而諸侯務焉既餼同○牲殺曰饗謂任牢

至致饗有任腥無牽既朝致饗餼則三者備凡牛羊豕豕具
 為一牢上公任牢二設于西階腥牢二設于阼階牽牢四
 陳于門西侯伯任二腥二牽三子男任一腥二牽二饗食
 在還圭前先言還圭重圭也禮有饗有食有燕饗主敬燕
 主情食尚質燕尚文不言儀重敬質也敬質禮之本也故
 饗食在廟而燕在寗也致贈報其幣也有郊勞必有郊送

禮亦如之。敬于始必敬于終也。致饗既一也。還圭二也。饗三也。食四也。致贈五也。郊送六也。臣來聘則使卿致饗既還圭。若于其館贈送于舍門外。朝則其君自來。故主君亦身親之也。饗食則先使人速賓。賓至乃迎于門外。若君有他故不親饗食則使卿以酬幣。侑幣致之。

右傳三章

諸侯相朝之禮

諸侯附于德服于義則天下太平。古者天子為諸侯不行禮義不修法度不附于德不服于義故使射人以射禮選其德行。職方氏大行人以其治國選其能功。諸侯之得失治亂定然後明九命之賞以勸之。明九伐之法以震威之。尚猶有不附于德不服于義者則使掌交說天子之意以

明道之故諸侯無不附于德服于義者此天子之所以養

諸侯兵不用而諸侯自為正之具也朱子本無天子之意八字從王父錄本具

一作法○行禮義然後其身附于德修法度然後其治服

于義射人司馬之屬下大夫二人以射法治射儀者也職

方氏亦司馬之屬中大夫四人下大夫八人戒四方以修

平職守者也選其德行則諸侯之所以自治者其得失可

知選其功能則諸侯之所以治國者其治亂亦可知得與

治則當賞失與亂則當威此九命九伐之所由行也九命

者一命受職再命受服三命受爵四命受器五命賜則六

命賜官七命賜國八命作牧九命作伯也九伐者馮弱犯

寡則責之賊賢害民則伐之暴外陵內則墮之野荒民散

則削之負固不服則侵之賊殺其親則正之攸弑其君則

殘之犯令侵政則杜之外內亂鳥獸行則滅之也掌交司

寇之屬中士八人巡行邦國道王之德意志慮使諸侯知

王之所好而行之王之所惡而避之相與守禮而畏威也

右傳四章
復統言之以
結上文之義

禮記卷五之七

任啓運章句

士相見義

相見者師一也友二也求仕之君三也故君四也賈公彥曰新進為臣及朝聘及他

國君來主國之臣見皆執贊常朝及餘聚會不執贊

平敵以卑見尊皆用贊尊見卑不用贊哀公執贊請見周禮下賢非正法也儀禮有士相見禮篇而大小

或皆無其義蓋古所傳者已亡之矣劉敞作此篇以補亡因為朱子所取故姑錄之附諸侯朝聘二義前

自天子至于庶人皆有摯摯者致也所以致其志也天子

之摯噫諸侯玉卿羔大夫雁士雉噫也者言德之遠聞也

玉也者言一度不易也羔也者言柔而有禮也雁也者言

進退知時也雉也者言死其節也故天子以遠德為志諸

侯以一度為志卿以有禮為志大夫以進退為志士以死

節為志明乎志之義而天下治矣故執斯摯者致斯志者

也君之摯以事神臣之摯以養人詳見玉藻本經言士相

頭奉之下大夫相見以雁飾之以布維之以索如執雉大

夫相見以羔飾之以布四維之結于面左頭如廢執之或

曰廢孤之摯也諸侯玉聘用珠圭朝用命圭也遠德為志

天下為一家務使萬物得所也一度為志考禮正刑一德

以尊天子也有禮為志近君而不敢抗統大夫而不敢驕

也進退為志以道事君不可則止也死節為志守法之臣

則死法度守土之臣則死封疆也卑者于尊恐無以

申其志故執摯以見之君至尊故惟事神以它耳唯君

受贊者唯君受養也非其君則辭贊不敢當養也吳本自

在無介上。仕于其國有贊皆受之若求仕其國而君不

用則還其贊即嘗為臣者聽其執贊以見亦使積者還之

乃去聘他國私覲亦執摯他國君來。古者非其君不仕非

本國臣亦執摯相見禮畢亦還之。其師不學非其人不友非其大夫不見吳本此節在唯仕于君上。擇君而

後事擇賢而後交。士相見之禮必依于介紹以言其不苟

原非苟于相見也。合者也必依于賢以言其道可親也苟而合唯小人無恥

者能之君子可見也不可屈也可親也不可狎也可遠也

不可疎也。見以禮則不屈道可親則不狎如是則雖遠而情義不疎不然苟而合者可屈之可狎之則亦

可斥而疎之矣賓至門主人三辭見賓稱摯主人三辭摯所以致

尊嚴也。賓曰某願見無由達某子以命命某見主人辭曰請吾子就家某將走見賓曰某不足以辱命請終

賜見主人又辭賓曰固以請乃許見又辭其摯賓曰某不以替不以見主人辭曰某不足以習禮故個辭賓曰某不

依于贊不敢見固以請乃許奉摯見蓋賓必執摯者所大
以致尊嚴于主人主人必三辭者所以致尊嚴于賓也

夫以禮相接士以禮相諭庶人以禮相同然而爭奪興于

末者未之有也人苟悅而相若者未必爭苟節而相親者

未必怨是故士相見禮者人道之大也所以使人重其身

而毋適于辱也所以使人慎其交而毋適于禍也相若相親異本

並作相親若愚恐若字乃合字之誤。又由士而推言之由苟合而反覆言之人知懼于禍而不恤辱之可恥而不

知辱禍之皆起于無禮也身不重交不恤斯辱與禍從之矣唯仕于君者召而往未仕

而見于君者冠而奠贊在邦曰市井之臣在草曰野莽之

臣君雖召不往也仕于君所謂傳摯為臣者也召而往當仕有官職而以其官召之也未仕者不

政見于君或當禮會之時或君先以禮來而往拜則必冠
而奠首以別于既仕之臣之常見不用摯也本經在邦上
有宅者二字鄭謂致仕者去宮而居宅愚謂二字通下為
句宅居也言未仕之上其所居在邦在野耳若庶人曰刺
草之臣則非上而農也雖是故雖有南面之貴千乘之富
召不往以禮自重其身也
士之所以結者禮義而已矣利不足稱焉所以結士以禮
自重者顯重之
也若名而往則以利刑罰行于國所誅者好利之人未有
為越而亦不足重矣
好利而其俗不亂者也又極言利之當輕
以明義禮之重無介而相見君
子以為誼故大國九介次國七介小國五介兩君相朝者
士之相見舉

極尊者
以明之

右傳一章

禮記卷五之七

祭

禮記卷五之八

任啓運章句

聘義

孔本第四十八篇本第七朱子儀禮第三十八

吳澄儀禮第八今定為二十〇呂大臨曰聘禮有天子所以撫諸侯者大行人歲福存三歲福類五歲福省是也有諸侯所以事天子者大行人時聘以結諸侯之好殷類以除邦國之慝是也有鄰國交修其好者大行人諸侯之邦交歲相問殷相聘是也按今儀禮所存者乃諸侯交聘之禮此乃其傳也但儀禮言上介奉錦士介四人皆奉玉錦介凡五人是侯伯之禮而此篇言上公七介子男三介則知其兼之也王聘諸侯則國語單子所云官正在事上卿監之諸侯聘王則大行人所云大國之孤執皮帛者可以類推然其詳不可得聞矣主國待客禮儀禮惟存公食大夫禮一篇而變禮燕禮可以類推若王待聘臣則自定王殺烝而外亦無可考矣

聘禮上公七介侯伯五介子男三介所以明貴賤也

小聘曰問

大聘曰聘，小聘使大夫。大聘使卿，禮諸侯之辭，各下其君一等。故介之數視君之相朝，各殺其二也。若使大夫，則又下其卿一等。使士，又下其大夫一等。孔云：各下二介，則于男子使士無介，恐非貴賤謂君爵之尊卑。介紹而傳命，君子於其所尊弗敢質敬之至也。

公使卿聘，主君在大門內，賓去大門

七十步，侯伯使卿去五十步，子男使卿去三十步。使大夫又通降也。孔氏云：兩君相朝，則交摯。臣聘于君，則旅摯。交摯，傳命者各向本國之君受命，反面傳而下。及未摯，則相鄉受之，反面傳而上。又受命，反面傳而下。旅摯，傳命者不上下相傳，直與上介相對而語，餘詳上篇。君使士迎于竟，大夫郊勞，君親拜迎于大門之內，而廟受，北面拜。既拜，君命之辱，所以致敬也。

三讓而后傳命，三讓而后入廟門，三揖而后至階，三讓而后升，所以致尊讓也。敬讓也者，君子之所以相接也。故諸

侯相接以敬讓則不相侵陵聘禮賓及竟張旒君使士請

請行又使鄉朝服用束帛勞皆降于君也賓升西楹之西

東而致命君當招再拜言拜既又言拜君命之辱者疑于

拜賓故申言之也此數者皆君所以致其敬于賓賓在大

門外見主人陳摺以大宗之禮待之已不敢當故三讓而

后傳命上君延賓入門欲廟受故又三讓而后入廟門又

歷閣門至大廟相入君先立中庭南面賓後入入門將

西之時及既曲北面皆與君相向故右揖賓再揖訖主君

東面向堂涂北行賓碑相向君又揖賓乃至階而賓終不

敢與君相敵故至階三讓主君升二等乃升鄭謂欲使君

行一臣行二也此數者皆賓所以致尊讓于君也賈公彥

云侯陪七等君行二等其上仍有五等而卿為上擯大夫

為承擯士為紹擯君親禮賓賓私面私覲致饗餼還圭璋

賂贈饗食燕所以明賓客君臣之義也客大戴作主宜從

之○擯主君使接

賓者承賓以副上賓。紹賓，通次之上賓。一人承撰，一人紹
撰，則公三侯伯二子男一也。禮賓設几筵，授醴酒，用束帛。
君皆親之，以致敬也。私面，賓見主國之卿大夫，用束帛。有
庭實，私覲，賓見主國之君，賓束錦乘馬，介奉幣，僂皮皆以
中情也。致饗，餼還圭璋，皆于其館。禮聘于君，用圭聘于夫
人，用璋。圭璋，重器，故特還之。賄，用束帛。禮聘于君，用圭，聘于夫
人，用璋。圭璋，重器，故特還之。賄，用束帛。禮聘于君，用圭，聘于夫
報君之享也。贈，用幣，如其覲幣，以報賓之覲也。卿聘一食，
再饗，大夫聘一食，一饗，燕無常數，其有常數者，以明禮無
常數者，以示恩也。禮聘享皆畢，賓奉束錦，請覲主君，禮賓
賓乃私覲主君，問勞賓，介出乃致饗，餼賓以君命，問卿大
夫乃私面饗，食燕，賓將歸，乃還圭璋及賄。主君就賓館，賓
拜賜，行乃贈送，此錯舉之不以序也。姚舜牧曰：私面，私覲
賓道也。親禮，賓致饗，餼還圭璋，賄贈饗食，燕主道也。君道
也。呂大臨曰：使臣之義，則致君臣之禮于所聘之君。主君
之義，則致賓主之禮于來聘之臣。愚謂君相朝禮，以幣也。
此以禮齊相朝，饗餼親致之。圭璋親還之，此皆使卿饗君
夫人，臣獻此，惟婦禮。凡迎送之節，俎豆之數，皆下其君二
等。以及不以卿為賓，而以大夫為賓，則賓主之中，亦未嘗

不明君臣之義矣。故天子制諸侯比年小聘三年大聘相屬以禮

使者聘而誤主君弗親饗食也所以愧屬之也諸侯相屬

以禮則外不相侵內不相陵此天子之所以養諸侯兵不

用而諸侯自為正之具也。比年二句大戴作歲交相間殷相聘周禮同。比年小聘三年

大聘者諸侯朝于天子之明年大夫聘又明年卿聘四年大夫聘五年卿聘六年大夫聘十二年中君二朝卿四聘

大夫六聘也若諸侯之于諸侯則二年大夫問若有大事則使卿聘也定時故曰殷也諸侯之交莫重于禮故使者

禮有所候則主君託于有故而親饗食以愧恥之乃所以勉厲之也夫臣者君之所使臣之有恥君亦與焉則所

以愧厲其臣亦即所以愧厲其君也由是諸侯各相屬于禮則外足以交隣內足以定分侵陵之禍絕矣禮之所有

豈不大哉。○呂大臨曰先王御諸侯使之相交以修好必使之相敬以全交其交必求疎數之中其數必相屬以禮

然後仁達而禮行也先王制禮以善養人于無事之時多
 為升降之文酬酢之節以養其德意使之安于是而不憚
 焉故不安于偷惰而安于行禮不恥于相下而恥于
 無禮上下交相養此兵所以不用而天下所以平也以圭

璋勝重禮也已聘而還圭璋此輕財而重禮之義也諸侯

相厲以輕財重禮則民作讓矣享君束帛加璧享夫人束帛加珠璧珠可受而圭璋

必讓之者聘以行禮而厚則近于財也民皆知財為輕禮為重則讓而不爭矣主國待客出入三

積儼容於舍五牢之具陳於內米三十車禾三十車芻薪

倍禾皆陳於外乘傷日五健羣介皆有飭牢壹食再饗燕

與時賜無數所以厚重禮也古之用財者不能均如此然

而用財如此其原者言盡之於禮也盡之於禮則內君臣

不相陵而外不相侵故天子制之而諸侯務焉爾賓人國先致三

積既至致饗餼明夕夫人歸禮既行復致三積故曰出入

致饗餼之禮任牛一設于西階臚半二設于東階餼半二

陳丁門西皆在賓館之內故曰陳于內鼎錫魚羞皆在內

而不言者以牛禮為重也米三十車車二十四斛木三十

車車于四百乘設于門西薪從米芻從木四者皆在門外

也庭中亦設米及黍稷稻粱而不言者以多為貴也乘禽

雁鷩之屬上介三牛米十車禾十車芻薪倍不乘禽日三

雙士介餼率各一牛米百筥乘禽中日二雙此言羣介餼

牛皆有舉重也禮有以儉為貴者豈必盡豐而此獨豐不

如此不足以盡禮也然禮而曰盡則非過侈亦可知矣○

鄉聘致珍賓任牛一騾牛一米禾皆二十車上介任牛一

米禾皆十車士介少半致饗餼賓五車上介三牛士介一

牛出入三積半數與致珍同但皆生致之無任也大夫聘

則致珍太半饗餼三先士聘則致珍少半饗餼太半其介

皆遊

禮記

卷

右傳一章

言諸侯聘禮之義
大戴之本文也

聘射之禮至大禮也。質明而始行事，日幾中而后禮成。非
强有力者弗能行也。故强有力者將以行禮也。酒清人渴
而不敢飲也。肉乾人饑而不敢食也。日莫人倦，齊莊正齊
而不敢懈惰，以成禮節。以正君臣，以親父子，以和長幼。此
衆人之所難，而君子行之，故謂之有行。有行之謂有義。有
義之謂勇敢。故所貴於勇敢者，貴其能以立義也。所貴於
立義者，貴其有行也。所貴於有行者，貴其行禮也。故所貴
於勇敢者，貴其敢行禮義也。故勇敢强有力者，天下無事

則用之於禮義天下有事則用之於戰勝用之於戰勝則

無敵用之於禮義則順治外無敵內順治此之謂盛德故

聖王之貴勇敢強有力如此也勇敢強有力而不用之於

禮義戰勝而用之於爭鬪則謂之亂人刑罰行於國所誅

者亂人也如此則民治而國安矣幾平發勝一作陳民治一作民順治矣或作也

○質明行之早日中禮成又久矣酒清肉乾以饗禮言不

故飲食不放懈惰敬之至也正君臣三者泛言禮之用禮

之難行如此而君子行之無往不然則天下強有力莫尚

焉故謂之勇敢也下又反復申言之戰勝者公義爭鬪者

私忿言行禮義者固貴于勇敢而所貴于勇敢亦貴其用
之禮義耳有事而用之禁亂誅暴是戰勝亦禮義也不然
舍禮義而言勇敢則為必誅之亂人而已豈所貴哉
聖王誅在亂人正貴在禮義民安國治禮義之效也

右傳二章

言聘射二者所關之大乃小戴所附益辭
音粗鄙較大戴以禮養諸侯兵不用而諸

侯自為正相去遠矣朱子曰疏云此雖終結聘射
然自酒清肴乾至親父子和長幼等語似據射鄉

而言或射鄉義文失次
在此抑相因而及歟

子貢問於孔子曰敢問君子貴玉而賤珉者何也為玉之寡而珉之多與孔子曰非為珉之多故賤之也玉之寡故貴之也夫昔者君子比德於玉焉溫潤而澤仁也縝密以栗知也廉而不剌義也垂之如隊禮也叩之其聲清越以長其終絀然樂也瑕不掩瑜瑜不掩瑕忠也孚尹旁達信也氣如白虹天也精神見于山川地也圭璋特達德也天

下莫不貴者道也詩云言念君子溫其如玉故君子貴之

也澤一作濡孚一作芟一作扶鄭讀浮尹鄭讀筠陸如字見音現○磬石似玉者澤光潔貌緝緝也栗堅貌刻儀

越場也訕絕止貌瑕玷瑜美也孚尹鄭謂玉之采色浮于外若竹之有筠四面通顯陸佃謂孚信尹正也信正在中

而旁著于外也疑陸得之圭璋特達聘時所執圭璋不加餘幣若享時璧琮則加幣也仁者寬裕溫柔與物無忤知

者文理密察所見不遷義者不惡而嚴禮者卑不可踰樂作止有節忠者不欺信者不偽天以氣運地以神行德足

于已而外物無所加道公諸人而古今莫能外此十一者皆德也詩秦風小戎之篇引以証君子比德于玉之義○

馬蹄孟曰古人用玉如鑲玉以名諸侯以恤凶荒用其仁也齊有食玉用其知也牙璋以起軍旅用其義也兩君相

見以瑞相享以璧用其禮也樂有鳴球服有佩玉用其樂也邦國玉節用其信也琬以結好琰以除慝用其忠也

璧禮天黃琬禮地用其能達于天地也聘以圭璋用其德也愚按作六瑞六器大辨玉律玉衡玉琯無往而

禮也聘義

卷五之八

不用玉以天下莫不貴之用其道也此皆古之為器而各象其德也

右傳三章

王石梁曰因聘禮用玉故以孔子之論玉者結之按亦小戴所附益也朱子儀禮人

名器佩

玉章

禮記卷五之八

終

禮記卷五之八

任啓運章句

公食大夫義

鄭氏曰主國君以禮食小聘大夫之禮也。曰聘禮據侯伯之大不及子男食

禮據大夫之小不及上大夫卿周公設禮互見為義也。按此大小戴記皆無。蓋古所傳之者已亡之矣。劉

敞作此篇以補亡。因為朱子所取。故亦錄之。附諸聘義之後。

取。故亦錄之。附諸聘義之後。

食禮公養賓國養賢一也。親之故愛之愛之故養之養之

故食之食而弗愛猶豢之也。愛而弗敬猶畜之也。饗禮敬

之至也。食禮愛之至也。饗為愛弗勝其敬。食為敬弗勝其

愛。文質之至辨也。

古于本國之臣來聘之臣皆有饗有燕有食。故先通言之。明饗主乎敬。食主乎

愛。饗非不愛而所重在敬。食非不敬而所重在愛也。祭謂養羊豕畜謂養牛馬左傳饗以類恭儉燕以示慈惠然則

燕亦近乎愛矣公使大夫戒必以其爵恭也已經則卑之已重則

是以其貴臨之也大聘使卿則食亦使卿戒此小聘使大夫故食亦使大夫戒鄭謂敵則易相觀

敬賓三辭聽命言是禮之貴弗敢當也弗敢當故難進也

公致饗餼但禮辭一而已饗食燕必三辭者饗餼以國故饗食燕則數已愛已故也公迎賓于大門

內非不能至于外也所以待人君之禮也臣之意欲尊其

君子之意欲尊其父故迎賓于大門內所以順其為尊君

之意也諸侯相朝饗食燕必迎之大門外所以待人君之禮若出而亦迎之門外則比于君純臣之心必有

所不安者故順其意而不出非自以其貴臨之也禮大夫

戒賓賓不違達之至大門之次朝服以俟至奠定公如

賓服紳賓三揖至于階三讓而升堂充其意諭其誠也公

門內揖人者從及廟廟門公揖入賓入東曲揖北曲揖賓
神門乃下階三讓公升二等賓乃升欲君行一臣行二是
賓充其待君之意以待主國之君而突與君
同升也又論士君之試也承上意起下試於廟用祭器

誠之盡也君子于所尊敬不敢狎不敢狎故神明之神明

之故忠臣嘉賓樂盡其心也受聘于祖廟尊之也饗于廟
廟視之也食于廟廟之禮

視之然必用祭器是大夫立于東夾南西西北上士立于

門東北而西上小臣東堂下南面西上宰東夾北西面南

上內官之士在宰東北西面南上百官有司備以樂養賢

也人東夾在君後伺君也士門東階也小臣東堂
下堂東堂上內官之士從夫人者以差出自東屋皆將

有也設筵加席几致安厚之義也筵上復加席以致其厚
加左几以設其筵几不

也公食大

親投異于醢賓時也賓公設醬然後宰夫薦豆菹醢士設

俎公設太羹然後宰夫設鉶啓篋言以身親之也賓編祭

公設梁宰夫膳稻士膳庶羞為殷勤也賓三飯梁以清醬

此君之厚已也賓必親徹有報之道也宰夫自東房投醢

為饋本也宰夫薦豆在醬之東韭菹醢醢昌本為二行庶

豔香菹宛豔為一行皆西上凡六士設俎在豆之南牛羊

豕一行魚腊腸胃一行亦西上膚特凡七太羹太古之羹

清奠不仰亦公設之首占也鉶羹肉汁之有菜和者太羹

在醬西鉶羹在豆西牛糝二羊豕一豕薇一凡四篋盛黍

稷者黍稷各三宰夫啓其蓋正饌具矣賓既編祭公復設

梁于清西宰夫膳稻于梁西士膳庶羞于稻南為殷勤也

庶羞醢醢醢牛魚醢牛醢醢牛醢羊炙羊醢醢豕炙醢豕

醢芥醢魚膾西北上經凡十六賓擁梁執渚將食于堂下

飯黍稷不以滫泔猶親徹梁醬
坐奠于階西報君之設之也
庭實乘皮侑以束帛雖備

物猶欲其加厚焉也
乘皮四皮也賓飯梁後公親執束帛以侑賓稽首受幣揖執皮者出上介

受賓幣說公拜送終之以敬也
有司卷三牲之俎歸于賓者受皮

館不收喪其餘也
公送賓不頓難進而易退也三牲于正饋尤尊故盡歸之魚腊腸胃府皆不與

上大夫八豆八簋六銅九俎庶羞二十其餘衰見是德之

殺也
六豆加葵菹醢則八七俎加鮮魚鮮腊則九庶羞十六加俎兔鷄鴛則二十銅未詳疑羊豕豕豕各加

也其餘衰謂下大夫及士通降也君子言之曰愛人者使人愛之者也敬

人者使人敬之者也親人者使人親之者也自卑者使人

尊之者也是故公養賓國養賢其義一也未有愛之敬之

親之尊之而其位不安者也未有不愛不敬不尊不親而

能長有其國者也

君子自盡其禮非以望報于人然一施一報者情之常也能以禮治則身安而

國可安矣以應前

將由夫好德之君則將怡焉唯恐其不

足於禮將由夫驕慢之君則將曰是食於我而已矣故禮

君子所不足小人所泰餘也

怡吳作飽。君子之心泰故盡禮而猶恐其不足小人之

心泰故失禮而

孔子食於少施氏將祭主人辭曰不足祭

也將滄主人辭曰不足滄也孔子退曰吾食而飽少施氏

有禮哉故君子難親也將親之舍禮何以哉

少施氏謙而有禮引以証禮君子所不足之意

禮引以証禮君子所不足之意

右傳一章

禮記卷五之八 終

受業良卿校

乾隆歲次癸巳

門下晚學耿統奉校鐫